

浩歌堂詩鈔

共和十三年元旦  
李蔭著

志同志清玩去病



浩歌

浩歌堂詩鈔 卷附東南五十卷南

共 2 册 存 2 册 排架号 08350

浩歌堂  
詩鈔  
張繼題

徐州市圖書館

75-45  
索書號碼 7540  
2c2

登記號碼 010110

共2冊

叙一

愚平日論詩以意境爲先難者謂祇具意境則詩之不同於文者幾何應之曰孔子曰繪事後素言繪事後於素而已非謂既有素在則繪事可廢也意境者詩之素也格律聲色者詩之繪事也意境善矣而格律聲色有所未至所謂刻鵠不成尙類鶩者也意境不善而徒斤斤於格律聲色則所謂皮之不存毛將安傅者也物有本末事有終始知所先後則近道矣於詩何獨不然持此說以衡古今人之詩格律聲色可尋摘者往往而有而究其意境則又往往使人廢然意沮富貴功名之念放僻邪侈之爲阿諛逢迎之習士君子平日所不以存之於心不屑宣之於口者而於詩則言之無恤其於無邪之旨失之遠矣晚近學者欲矯其弊乃創爲新詩夫所謂新者新其意境乎抑新其格律聲色乎果新其意境則格律聲色雖無變其舊何害



若徒新其格律聲色而已則所謂逐末者也故詩無所謂新舊惟其善而已而所善者先意境而後其他意境既善則進而玩味其格律聲色善者欣賞之不善者糾繩之意境不善則直擯之可也南社諸子以文章氣節相尚故其所爲詩格律聲色雖無大異於人而意境則有其獨到二十餘年來流風所被庶幾所謂頑夫廉懦夫有立志者不可謂無裨於藝林矣陳子佩忍尤南社中之矯矯者也少年時負奇氣一往無前今者垂垂老矣而精神之色猶發於眉宇其所爲詩志趣貞潔而情感穠摯沈著痛快處往往突過古人非特於詩致力深至所素養者然也諷誦一過感不絕於心因以平日論詩大旨及所期於南社諸子者拉雜書之以爲之序中華民國十三年一月四日汪兆銘精衛謹序

叙二

大雅不作詩教凌夷敦厚溫柔之義漸偕秋風敗葉俱闕寂於塵寰此文學之日衰而亦世道之深憂也鑑不敏少嗜詩年十一學爲韻語追弱冠所與交游者大抵皆能詩既而交游日衆而能詩之友乃日少又十年海內外識鑑者多而能詩者寥若晨星矣吳江陳君佩忍二十三年前同游日本時詩友也當同舟渡太平洋乘長風破萬里浪慷慨悲歌不可一世執卷吟哦寫海景舟行五日得詩成帙迄今閉目思之其事猶在目前乃歲月不居忽焉已老前年陳君來錫贈鑑以詩有歸來一隊滄江晚回首前塵夢欲飛句伏樞雄心見猶未盡派也今春來錫示鑑以舊著謂將付刊鑑不禁躍然曰此千秋事業也宜速之蓋昔者陳君奔走國事凡感慨抑鬱之時或擊節高歌或狂呼縱酒人莫知其底蘊自南社成立陳君詩文時時發露世始佩陳君之才橫氣恣有不可以繩尺論者矧今歐化西來而



東方文藝所受之影響甚大倘吾人苟有可以自信者在使非早已編輯及身以付棗梨則他日文字無靈名山事業寂寂千秋豈不可慨也哉今陳君任東南大學文科教授負海內文學改進之責際此無韻新詩不脛而走而舊時社侶零落江南愈增寂寞鑑亦南社之一人安得不慨夫新陳代謝之離奇而起俯仰無涯之感嗚哉茲者陳君來錫謂已命其女公子繇祥搜集舊稿成浩歌堂詩鈔十卷索鑑爲之序鑑不文曷足以序陳君之詩惟思天地自然之至理非吾人之有性靈者莫能闡發其微宇宙自然之美情非吾人之有天才者莫能精審其妙由天籟而發爲人籟由自然而表現美情非詩孰得而揚推之陳君之詩天籟也人籟寓於中君曰浩歌殆有以夫今後之詩教其存其亡雖不可知陳君之詩既付剞劂自可爲學詩者之模範苟天地尙未至末日則世之倡詩教革命者慎勿視斯集爲

可東閣而誦斯集者蓋以此爲叔季之詩宗橫流之砥柱乎共和建國之第十一年十一月一日無錫病驥老人侯鴻鑑序

叙三

厚倫

吳江陳去病輯其詩爲浩歌堂十集以付剞劂而索序於余日者過其寓齋陳君舉酒相屬懇勸告曰必索我疵免舉其短廣衆中是子之所以愛我也嗟乎陳君以湖海之人豪丁龍蛇之運會卅年張儉久勞黨錮之餘生四海習君老謝襄陽之半士今者舊物雖復積陰益顯君方且沉冥酒盃聊浪世外投轄消其壯氣驚坐鬱爲雄談固將揆筆而起做屣玄文雕蟲不爲卑嗤小技而乃復屑意於是區區耶若其爲詩高絕之詣則有可得而言者明代王李盛倡唐音牧齋梅村競爲杜白獨我鄉黃門公玉佩瓊裾龍臥鳳視囊括漢魏炊粟三唐而復張恥魯憤氣節炳然君生煙波之近鄉追幾復之遺迹洪

吾獨振高眇遠周雖多子美之窮愁庶幾孝祥之忠愛比踪黃門殆其流亞此其詩之以品勝者一也夫登高作賦古稱雅音御氣以游斯協至道山川岩遙君子善假於物濠濮谷與達士有會於心君以温方城之义手兼徐霑客之善遊風來廣漠吹出塞之黃沙山到西南攢刺天之碧玉搜剔萬彙寫繪百篇江神厭心山靈拊掌此其詩之以遊勝者二也詩窮後工言愁易好徵諸往昔達例類然君抱嘗胆臥薪之志飽劔炊矛浙之艱貧無長物惟看花鳥之親人病過春風恆慮日月之逝我未免長謠適志短詠寫憂乃貞松既勁於歲寒良金益精於大冶凌颺之羽加迅逆風耀夜之目增明匿景此其詩之以窮勝者三也古者退之山石淮海蓄薇動媚難兼剛柔異趣君既工倚天擘海之奇復饒初日曉風之致大句則長城比雄小唱復春葩競艷所謂賁鼓朗笛疎密並工者矣此其詩之以才勝者四也

錫鈞忘年埒契驗誠至今同客陪都屢從文宴不辭羅附久欽壇坫之主盟願寫蓬心竊比高山之仰止拙筆成辭主臣而已中華民國十三年一月雲間社小弟姚錫鈞敬撰

#### 叙四

我邑松陵居江湖之委靈鍾秀毓彬彬乎其有文稱詩之士自季厲希馮以降代有作者觀袁殿陸三氏所掇拾可按籍而稽焉陵夷至于清季士習干祿之書家祈速化之學文藝緒餘不絕如綫巢南陳先生孤根崛起弘覽博物尤慷慨負經世大畧奔走革命囑灘齋背側足焦原意氣迄未稍減亦頗網羅鄉邦文獻嘗應邑侯李瞰廬聘主撰縣志以變故中輟顧所輯松陵文集笠澤詞徵已哀然次第行世矣今歲孟秋爲先生五十初度以友朋懇與出其詩十卷付梓且來屬爲叙棄疾私謂詩特先生餘事耳願以海涵地負之才值草昧

貞元之世指陳事變所南心史之倫憑弔故人唏髮西臺之亞由其  
自反而縮故能無往不工雜諸邑先哲王戴潘吳集中可亂楮葉彼  
稼堂虹亭以下曾何足儔比哉由是以論我邑宗風集明清兩代詩  
學之大成赫然爲騷壇盟主非先生其誰屬昧者不察徒見一二人  
之篇什輒沾沾震驚以爲足概松陵詩派之全非直昧於證今抑亦  
瞽於稽古已棄疾不佞辱先生青眼論交在羣紀之間二十年來把  
酒高譚每冥然有神會近雖銳意新猷欲樹文學革命之大旆顧獨  
以爲先生之詩去華反樸屏絕雕鏤且其奮鬪之精神恢弘之器宇  
皆有不可磨滅者在故樂得而叙之抑先生交游遍海內不徵叙於  
當世負重名者而獨授簡棄疾倘亦以爲知先生者莫如棄疾歟然  
則相視而笑莫逆於心吾兩人殆有默契於語言文字外者爰推論  
其說而著之於篇中華民國十二年冬邑後學柳棄疾撰

# 東江集

汪兆銘識






浩歌堂詩鈔卷一

東江集

松栢行呈杏廬夫子

鍾志剛  
陳去病  
佩忍  
百尺樓書

入杏花村有古松榮植于超曠之原身輪困以磅礴體又矯而翺掀  
上聳雲漢橫槎榭下插地軸盤靈根精華鬱積發光搖蕩有鬼神呵  
護而天地永其秋春氣吸莊前一湖水將以潤澤蒼幹揮薇垣惜哉  
遭時飄蹇命不達徒令終年淪落歸邱園亦有瘦栢挺古寺森森鱗  
甲非常器與松日遙對雨露共霑被因嗟松已久儲材甘淪澗黎遭  
屏棄無華不慕桃李姿特向松前呈媚媚松耶栢耶且猶然撫松栢  
者思流連松兮根柢實牢固栢也節操容未堅託根既與貞松近要  
在一氣相幹旋斯則松也揭蒼冥栢亦賴以全其天疇云松之爲梁  
棟而栢僅成桷與椽師云比擬得體足微沈澁一氣體格自然超脫  
無斧鑿痕又云熾遠神院宋理宗時敕建松



係元朽庵僧手植五百餘年物向在院庭今院改  
小故在院外現庭中柏一株乃同治初院僧所植

此壬辰仲冬八日謁師作也先是師來覲江招綬之與余往藉規  
所詣二人俱欣然從之行抵杏廬傍晚矣越晨沈君更生導游崇  
遠禪院觀古松栢凡留師門者四日頗極文酒之樂師又撰文相  
勗其詞甚摯即集中所稱示同學篇是也綬之有詩紀事余亦繼  
聲迺悠悠數歲綬之修文更生多病而余落落如故不足以副期  
許之盛心重檢得茲曷禁撫絕庚子閏八月垂虹亭長自記時在  
任氏退閒小築

先師諸杏廬襄遇小子期待甚厚迺天不憖遺喪我先蒞梁木之  
感八寒暑矣閱松栢行泫然何已己酉仲冬去病又記

少年不識文字之艱苦往往輕于弄翰如松栢行即其一也顧當  
時頗蒙先師獎諭忽忽三十年矣方撰先師墓碑久之未就于是

知文章之不易而先師獎勵後進之具有深心也適諸生有以韻  
語相質者因首錄此篇期共訂焉壬戌孟冬去病記于東南大學

夏日閒居 癸巳

十日沈愁鍵戶居，午睡閒却一牀書。  
煙浮寶鼎香初散，風動湘簾夢有餘。  
俗客何曾混几簾，綠陰才好映窗疏。  
遙聽知了聲聲喚，悟徹炎涼世味虛。

初秋書感 甲午

天地寬如此，伊余獨仰歎窮愁。  
多入抱踟躕，竟難安往事。隨雲散人

情帶醉看絲來，朱郭輩行俠豈無端。  
杏廬師云一氣卷舒是盛唐風韻

謁師杏廬譚謙竟日謹呈兩律 乙未

濁世斷難處，孤懷渺孰親。  
欲逃荒以外，願學古之人。  
無利不成藪，有才皆殺身。  
何如從我，更結室覲江濱。

北海血千里，腥風吼石鯨。傷心惟一士，無力事長征。必有英雄出，全將胡虜平。閉關絕蹠跡，才得罷兵爭。

讀竹書紀年

丙申

大撓作甲子歲，月始堪推滾滾千。萬禩事故紛紛歧，述者既憚煩閱者亦神疲。安得枕秘中，上下騁瑰詞。大以提其綱，小以繫其維。正言發妙理，偏語雜嘲譏。樽酒日相對，悠然興遐思。是書頗簡畧，記載多新奇。斷自軒轅世，下逮梁赫時。依稀七八朝，治亂亦易知。咄哉空桑子，放君圖自爲。桐宮曠乃刃，潛出竟殺之。俗儒不察意，貿然肆詆訾。詎知作者世昏亂，正不治。巍巍齊晉君，倏忽等輿厮。陪臣務篡弒，要謂志學伊。可憐荏弱君，仲討終無期。憤懷不能釋，大筆恣劃劊。明知聖不掩聊復，甚其欺。先著命卿士，後特表奉祠。本意自昭昭，讀者何猜疑。季歷既剪商，塞庫禍亦罹。微旨原一貫，事實非支離。吾聞拘墟

者不可以說詩，能以意逆志。厥義乃可窺，又聞春秋例辭志多深微。

楚歎此竹書詩史兼設施，奈何東晉輩測海徒。

師云胸有權術始可觀史

江行雜詩

丁酉

蜃市樓臺賈客僑，空青珠貝雜文鱗。南徐風物今如許，金粉何從問六朝。

魚龍呼嘯水奔撞，百萬蛟鼉恐未降。獨有東吳陳季子，烈風雷雨過

長江。

盤門夜泊

戊戌

風清月白露珠浮，駿馬輕車賭夜游。異境忽開人自眩，四方多故獨含愁。堪憐珊瑚網成魚網，難解清流付濁流。還向甘棠橋上望，幻雲頃刻散當頭。

松陵詩派行

己亥



端委化俗文明開延陵觀樂中原回四科言氏尙文學宗風肇起孳  
胚胎加以太湖三萬六千頃澄泓淨蓄何雄恢朝鐘夕毓孕靈秀天  
然降茲追屈攀宋之奇才吳歛清越實初祖時命一篇踵厥武嚴夫  
祇憐遺箸盡飄零剩有孤墳空砥柱幕在瀾溪中洲上藍縷重路此其功後  
有繼者誰與同東曹掾史歌秋風張餘先幾獨識歸江東莠羹鱸膾託  
遙興江湖風味真無窮欣然引起鬱林裔陸晨夕扁舟泛江濛笠  
澤叢書才告成松陵唱和多新製因斯篇帙盛流傳踵事增華發凡  
例三高祠字乍經營亭子鱸鄉圖清麗灘名釣雪橋垂虹風景吳江  
絕塵世一時謝氏破天荒父謫子先驅撥科第謝氏故居今師厚  
初景歐梅廣結交老將句法授佳婿庭維時別有儒林宗類王三賢學  
術何宏通揚邦勉夫王繼起苦著述遂令詩學鎔其踪晚元寓賢  
惠我願雲林鐵簫欣遭逢東溪常釣熬振陶受其學爭以彩筆橫詞鋒

自是人才蔚然起瑤簪瑜珥雜衝芷景周且明古史隱漁樵半江趙

雍容佩金紫凡願力堅且弘翰墨區區餘技耳伯魯徐師別以

經術聞昆侖俞王叔羨長期安才力均道行與風雅恣諧賞茂申有

匪穎悟尤絕倫扶九翻與恢奇喜結客首創復社來佳賓頡頏張楊作

祭酒下筆直攄無縛文一時社集大昌熾門戶爭持立旗幟慎交驚

隱及同聲水炭堅牢互驕恣弘人聞夏吳兆寬數鉅魁王戴空潘

章揮吳炎更覃思雪灘顯有屹屹詩中豪美人絲繡多工緻如何遺獻

竟無徵零落縹緲難致午夢堂前日欲斜疏香閣裡曆如花分湖

過去池亭路中有詩人萃一家仲詒袁紹首唱宛君沈宜和三妹媚

矣何風華瓊章秀慧有仙骨小令嫻才調尤堪誇劇憐優曇僅一現

蘭摧玉折紛流霞天崩地坼海田易頭陀行者空吁嗟吁嗟世變極

紛綸唱和東湖大有人吳湖三子有唱和集時窮共賦六君詠力竭

浩歌堂詩鈔 卷一 四 百尺樓叢書

終爲勁節臣指南後錄滅沒不可見佯狂啼髮何年春沈自開自炳

包振包拉快而況今茲禁忌重山嶽不祥姓氏烏容陳月泉吟社良集今皆散佚

非舊制作新朝誰不朽最初首出橫山翁雙獨立蒼茫自爲偶論詩

忌熟而喜生陳腐見之寧覆瓿當時門下頗矜持星期與堯晚年乃

得歸愚叟別裁訂定詩徵刊流派吳中迄今久阮亭見瑞士曰橫山

朝松陵詩徵悉承沈沈言云虹亭徐改亭計次第興稼堂潘玉樵鈕才

峻峻愚庵老儒朱鶴重經術箋杜亦荷虞山稱秋風一夕悲笳鳴邊

城七月黃塵生才高何爲苦行役甦羈鶴多哀聲吳兆騫出塞詩

賦健庵尙書重氣誼獨以著作山呈明廷遂令漢棧得邱首麟憐

志學徒遐征明沈志學同和會試錄趙鳴陽書藝中元趙另構中第

得遇然卒論戊後烏庫諸公盛才藻譬若初唐話天寶後來誰與鴻詞科

就中獨有湘南老顧惜哉徵書到已遲玉樓去赴修文早三江汪

龍果堂沈形俱負名何事公車盡潦倒頰伽先生洪彭儔郭奇奇才慕儔

時遠游江淮南北大名滿依稀天馬騁驂駟亦有史善顧新日富篇什

蒼涼激宕聲道遠袁朱生徐源建鄭瑛俱環拱猶之亭云宗岱邱蘆

區自古多英傑朗甫中丞尙清節陸與郭郭郭杯水不飲重雲開

夢中得句尤奇絕巽齋北溪王元培大切礪忘勢交情異舉結於時

繼起稱三張淵父儒者號最良張鱸江元士雅與情抱近鐵父海恢廓

駒昂昂俱以學術重開望開來唱和多篇章徵君翁廣贈公增盡勞

力關懷文獻思悠長先民遺什互編纂昔者幽隱今俱彰翁顧顧有

微前松陵編詩厥後茲事遺衰替董夢任延詩沈曰富實津速四君並佐陸

亦有年遺集流傳見孤詣烏呼諸老盡仙游後顧茫茫問誰繼不才

生晚聞道遲四無依傍疇云師爲憂詩派數將絕追維先輩長歎歎

沈子樹茂才大楷安貧力學士也秉其先世水西給諫之懿訓  
恂恂端確望而知爲謹飭之士因贈詩以勗之

南鄰有端士喬木舊家風矩矱先民在衣冠古貌同孤童能特立行  
龜未嫌窮緬彼果堂氏儒林今已崇君家果堂先生徵時以  
行體作炊并記其事

獨步垂虹亭望積雪並追懷顧雪灘諸先哲

一夕朔風緊大雪紛如埃瓊英滿郊坰罩地清光來放步出東郭縱  
望開吾懷踟躕上垂虹恍惚登瑤臺孤塔聳雲表危機臨水隈群鴉  
競亂飛入暮林未歸噪寒啞不聲拍翅重徘徊緬懷釣灘人一去今  
未回亭空逼寒氣橋橫餘莓苔森森松江流咽塞久不開寧關節寒  
泓萑蒲成阜堆憶昔承平時風雅多雄恢斗大松陵城而有天下才  
此間足勝游清酒時一杯雪擁雪灘叟釣雪盈瓊瑰于時良不遠興  
衰遽遞催遺獻半淪喪斯文餘劫灰有如此類景一白無根菱臨風

發浩嘆悲壯聲如雷

師云此首得  
大蘇筆意

冒雪渡龐山湖至同里

征夫苦行役衝寒過長川艤舟不遽發待渡虹亭前積雪滿郊野極  
目邱山連東郭繞如帶北去殊蜿蜒危塔子無傍餘緒猶鮮妍周覽  
愜懷抱裘裳渡清淵紛紛然霰又集愁雲籠八垓野航窄如裂破颿欣  
高懸舉眼望湖際一白無中邊枯葭更蕭瑟殘蘼空委頓斷岸不復  
見何處尋葑田野鴨多哀聲畏寒不得眠群游忽振羽拍拍猶連翩  
回頭闕雲表玉虬爭舞旋恍覩玉京侶下挈凌波仙翻幢播光怪一  
氣何纏綿森森笠東水莽莽瓊瑤天對景若有失北望且扣舷時有  
建備

之議中外  
甚危特甚去去入里開來結塵中緣

詠懷 庚子

北上黃金臺南望瑤華宮樓閣鬱然起別殿紛穹崇長廊亘復連欲



斷時還通魚輪帶星落門戶開千重獸環忽振響喧如叩鐘芳椒  
燕未停香霧疑溟濛明鏗閃流電華燭回昭融佐以馳道迴馬去猶  
飛龍輪舟踰宋製飛車來異邦翠華幸來御顧視生春風萬物不常  
好盛年難再逢及時弗行樂後悔將安窮不見驪山麓敵騎夜傳烽  
王子去求仙國相並學道辟穀事赤松吹笙入瑤島古來卿相豪妙  
不逐幽討而况秦漢王努力祈不老而况周天子八駿謁神媪塵世  
多矜腥習見動煩惱肥甘豈獨饜狂瀾奈奔倒濁世誰與謀去覓商  
山皓奇服與危冠翩翻集羽葆庶幾偉術神一洗中原諺詎知王者  
師得力在弘抱圯橋一卷書區區烏足寶不然張子房史曷紀枯槁  
懿歎宣聖桴不載安期棗

胡馬西北來聲鼓震天起被命赴朔方徵兵集帶里捲甲夙昔馳襄  
糧不敢止出自薊北門東趨燕臺市朔風淒以號蕭蕭易水淡樓櫓

鬱層雲旌纛蔽高壘誓師淚盡枯涸血酒同醜詰朝赴軍前舍生惟  
一死鋒鏑固恆情機弩益奇詭幸而克敵師否則壘沙裡生爲人中  
豪死作節烈士庶貽千載名忠義耿青史寧肯懷兩端等彼首鼠技  
倖生雖一時醜態中外恥

北地多哀鴻流離遍中澤午夜更悲鳴如訴復如泣似言故巢傾卵  
雖並毀折近且喪其雄孤獨不成匹鷲鳥來朔方殘忍莫可說驅之  
強使飛勞勞不得息幸而事偵羅甚且被凌逼含忍得暫生否則灑  
毛血自維賦性奇守義更知節奮飛計未能寧爲牢籠屈堪憐失群  
鳥競蹈烈士烈

伍胥亡命徒逼迫事奔走落落韓淮陰漁釣亦徒手天下皆鄙夫烏  
絲覓殘糗世無臬伯通梁生終杵血何圖兩英雄蹙蹙賢婦腹鼓  
潮水瀕飯飽漂母缶王孫自可哀千金直堪醜水鑑出裙釵斯恩實

深厚所以鼎鼎名千秋俱不朽緬彼創霸功宜哉軼前後

我本曠懷士闊達多任情邊幅不加飾窮愁時獨盟結交得數子慷慨自豪英諒我不羈性策以千里程寶刀一脫手肝膽相吐傾夫惟大雅故卓爾乃不群嗟嗟巾幗儔夙昔味生平虛譽謬甄采巨眼竟垂青冠履有反覆知交難久并馨逸感卿意結草期來生

初春退思草堂見霧遲沈六不至

辛丑

盈庭曉霧壓莓苔花蕊迷離看幾回紫燕窺簾猶自去子規啼血始聞哀紅茶寂寂留香住綠萼沈沈照水開料信故人違昨約探梅莫肯破寒來

舊跋

友人高子柳子咸自定所作壽諸梨棗以余少好染翰輒約與俱媿無以應也屬權癘疽逾時始痊繇是諸子益以爲言竟不能却

顧近十年來遭逢輻軻心志惻傷雖有所作大氏矐愉之詞寡而窮愁之思切苟遽出之將羣詫爲不祥而懼有所得罪故毋寧闕之而姑取夫少作然益彰余之陋不更可以已乎曰是別有說蓋余少時嘗有賢母以鞠以育以教誨我凡我所學皆母教也故思母不忘自母云歿而憂患疾苦遂如潮之來以汨我學學亦竟晝不進故尤痛母不忘然母亡而詩未俱亡午夜沈吟恍若悲母之來止則余雖欲棄之而尙忍棄乎故曰余之存詩非存詩也存我母耳使我母而至今存乎則此詩雖覆瓿也可己酉歲暮垂虹亭長自記

又跋

此余二十八歲以前作也年少學不足矧敢自矜許徒以其時先節孝猶健在家况雖清寂而絃誦未輟又得先師諸杏廡詳

爲評隲俾明嚮往因稍稍寫而存之名拜汲樓詩稿自辛丑夏  
先慈見背踰年先師亦捐館舍一時志念悽絕竟致輟業其後  
塵事紛迫荒落彌甚閒有吟詠恆隨手散去不復存稿以迄于今  
幾不解韵語爲何事矣同學諸子不薄余之陋慙懇懇擊咸出其  
所作來相質證余迺欣然動馮攘臂之情既與一堂商榷于前  
遂舉往作刪得一卷付之梓云中華民國十一年十二月垂虹亭  
長書于東南大學

卷一完


女兒縣祥校字

十二年冬

# 壯游集

右任題





浩歌堂詩鈔卷二 百尺樓叢書

壯游集 松陵 陳去病 巢南

將游東瀛賦以自策 癸卯

長此籠樊亦可憐，誓將努力上青天。夢魂蚤落扶桑國，徒侶爭從俠  
少年寧惜毛錐判，一擲好攜劍佩歷三邊。  
擬從朝鮮趨東三省，由來探察露西亞近狀。

孤矢男兒事莫負，靈鰲去着鞭。  
大阪懷徐福

朝辭宮闕出函關，夕向扶桑去不還。莫道中原無俊傑，避秦先已關  
三山

異術長生洵可求，三千男女幾征舟。扶餘也有虬髯客，儘拓雄圖王  
一洲

員嶠蓬壺覓地新，繩繩繼繼殖黃民。由來不少哥侖布，茲是神州第  
浩歌堂詩鈔 卷二 百尺樓叢書

一人

龍門山畔藥苗肥熊野峯高墓木稀難得英雄終解脫只留靈鏡未

全歸事定功成得而弗有隨神堯之神讓效子房之辟穀理或然歟

自梅田驛乘汽車赴江戶道中作

琵琶湖上夜潮生富士山前霧氣橫汽笛一聲天欲白曉風吹我入

東京

山泉盤屈怒生華峽洞重重走汽車不是長房能縮地竟從幽壑取

龍蛇

紙牕竹屋矮簾籠朴野渾如太古風差比江南好風景鷄栖豚柵乳

牛宮所經山麓見農家房屋細小頗類吳下五通祠

薄游上野因登凌雲閣騁望

凌雲唯一閣拔地十三層妙值櫻花節來參最上乘信知東魯小祇

向曲闌憑奈爾驚人句何繇副九能

東京雨後寓樓倚望

怪風西北來急雨增淒其愁雲俄翕集流電驚飛馳大地迭震盪屋

搖尤不支突然作霹靂怖人生危疑冥心坐幽室陰沈如囚羈默想

此變故天心殊未知或者竟長夜淋漓無休時遽遭陸沈慘而與其

魚悲或則稍淪喪毀我藩與籬決流入堂下浸淫及階墀是俱不可

測令吾多憂思天乎苦難問推窗舒鬱伊忽然風雨止須臾還晴曦

世界恍新沐光明如琉璃衆綠既潤蕙翠多風姿峨峨金碧樓明

淨尤增奇仰視青天上白雲橫空飛妙哉此勝趣髣髴誇燒瓷而我

多感慨對景殊獻歎大凡物腐敗則必多棄遺譬如室朽壞必拆而

更治何者當改革何者須遷移鉅者或鋸之細者或釐之其尤無用

之拉雜摧燒之循是一變置輝煌乃合宜弗然此羸陋得不貽人嗤

人嗤亦猶可自解將何詞顧當更動始論者或非謂弗如舊貫何  
紛紛爲彼其怯弱者中道常乖離而惟沈毅士往往深圖維天人  
消息間默察微乎微苟其當而已斷然奚畏謬亦如此垢壤黃沙紛  
康廵行者苦足汗觀者憎目迷假令日擾擾胡可長居茲必也此掃  
邊皇路乃清夷蹙然聽展聲不憾知音稀

秦伯仲雍

采藥相偕策短筇飄然攜手向江東民無讓國能名德伯有開吳絕  
大功斷髮文身徇習俗通權達變總英雄文明初祖今何在西望鄉  
關願鑄銅

題明孝陵圖

燕雲一夕悲笳多匹夫濠上揮金戈怒捉胡兒大聲唾咄爾胡兮久  
居漢土將云何爾胡自有爾腥羶之舊俗爾胡自有鼯毳之行窩爾

獨舍此而南下久居漢土將云何爾胡不聞我漢自有軒羲之種族  
蔓延糾結如藤蘿爾胡不聞我疆我理自有完全之制度秩如棊布  
如星羅以我漢兮治漢土其成團體如整渦初非勞爾爲我而操柯  
初非顛爾爲我而梳爬爾獨舍爾之沙漠久居漢土將云何爾時胡  
兒噤不語抱頭鼠竄奔如梭一朝大地削蹄跡光復舊物還淳和掃  
盪胡塵歸朔漠獨完民族奠風波建都金陵勢雄壯跨越江海鞭蛟  
鼉功成撒手竟長謝崇封營此鐘山阿迄今閱世歷五百佳城鬱鬱  
何嵯峨所憐王氣已銷歇蒙茸荆棘埋銅駝即今展卷憶前事令人  
涕淚揮滂沱吁嗟乎玄武湖中生白荷故宮魑魅逼人過淒涼盡屬  
悲秋况憑弔空憐壯志磨消磨壯氣奈何許起舞橫刀發浩歌西望  
墓門三歎息幾時還我舊山河

題鄭延平戰捷圖



延平郡王眞男兒忠義之氣堅不移四海雖逢朱餓息一木猶思危  
厦支慷慨唱義意激烈儒服焚將矢立節一蹶金陵志未摧再占臺  
澎血逾熱胡兒一夕橫江來百萬貔貅勢壯哉代馬似將騰海嶠  
旄疑欲逼蓬萊蓬萊自古稱仙島寧許戎夷混腥臊鼙鼓喧天殺氣  
騰旌旗蔽野人聲噪一戰再戰胡兒逃揮刀怒吼警今報宛轉哀號  
誰與憐大家拍手殲茲獠吁嗟乎虜騎當年入漢關何人奮起振刀  
鑽石頭祇見降旛出江上誰聞殺賊還奇哉日域田中子母節兒賢  
爭致死扼守雞籠氣自豪戕鮪鯨鯤鯨鯨徒恭奉正朔明天皇誓師  
北伐何堂堂漢兒奮鬪胡兒創捷圖到今留扶桑噫吁嚱捷圖到今  
留扶桑披而觀者其毋忘

重九歇浦示侯官林癡儀眞劉光漢

慘澹風雲入九秋海外寥廓獨登樓淒淒迷鷺鳳同羅網浩蕩滄瀛阻

遠遊三十年華空夢幻幾行血淚付泉流國讐私怨終難了哭盡蒼  
生白盡頭

輯陸沈叢書初集竟題首

胡馬嘶風蹶蹶來江花江草盡堪哀寒潮欲上淒還咽殘月孤明冷  
似灰誓死肯從窮髮國全身齊上斷頭臺如今揮淚搜遺跡野史零  
星土一抔

題警鐘日報

鑄得洪鐘着力撞鼓聲遙應黑龍江何當警徹雄獅夢景命重新此

舊邦

贈林劉二君子

劉子醜醜學派醇肖泉通俗語能新世衰道喪文章敵不逐波濤算

此人

與竹莊憲論女學

女學萌芽晚量低要須俚俗導其迷梁園詞采鄒枚筆一例推崇待  
異時

與宗素濟扶兩女士論文

六朝風格不堪看欲論文章當世難惟有船山數遺老浩然正氣碧

天盤

時余方辨王黃風三  
大儒文爲正氣集

未成格調豈成章刻意規撫意便傷上九天而入九地都應盪氣與

廻腸

浪使才華詎足奇錦袍敗絮昔相嗤文從字順詞由已茲語吾師韓

退之

國學于今絕可哀和文稗販又東來寧知蓬島高華士低首中原大

雅才

癸卯除夕別上海甲辰元旦宿青浦越日過澱湖歸于家

夢去無端已到家醒時還在天涯風狂雨橫江湖急却送沈愁過

歲華

瀕洞鯨波起海東遼天金鼓戰西風如何舉國猖狂甚夜夜樗蒲蠟

炬紅

幾個江湖健男子何時投袂振金戈胡兒可却直須却莫使機緣空

錯過

匈奴未滅豈爲家重念慈闈兩鬢華烏鳥私情銷不得迷陽却曲恨

徒賒

三吳豪俊盡相知文采彬彬有令詞我獨何心弄柔翰靴刀帕首過

湖涓

故宮禾黍日離離北望中原淚暗滋辨髮胡妝三百載幾曾重觀漢

官儀

夢中會說革命事，截髮原因首及之多。恐武靈不胡服，大難赤手滅胡兒。

澱湖湯湯五十里，會聞盪虜樹旗旗。弘功未歲陳吳死，膽讀亭林集。

外詩陳開臥子先生吳則松江提督勝兆也亭林先生生本澱湖漢千墩人時適讀其光胡引等作皆集外詩也

暮春苦雨

淺岸俱成澤，寒潮直到門。不堪花月事，都付雨中論。

白日長如晦，疏櫺晝亦扃。獨看榆柳葉，添上十分青。

讀史雜感

趙宋河山一旦淪，中原冠蓋屬遺民。秦淮水咽鍾山冷，九世旃裘戴

女真

着涼。二帝竟蒙塵，五國城蕪草不春。一例聖安遺恨在，得功營是楚

江濱

和林寧復有真人，拭目濛濛景運新。辛苦江山還故主，阿誰容易界

珠申

不用干戈用美人，漢家失策在和親。如今龍種歸沙漠，坐看風雲擁

愛新

華葩四章

華葩渺嘉實，炫女多不貞。寄言嬉春客，毋驚桃李榮。

水乳有同性，鍼芥無乖方。如何金石交，而為參與商。

我有雙明鏡，摩挲生寶光。愛子顏色好，寧嫌遠寄將。

腰間千金刀，懸之十年久。欲脫贈佳人，相逢奈非偶。

橫柳懷二陸 乙巳

谷水悠悠極，極伊人獨渺。然私憐入洛士，徒作辨亡篇。嬾變堂誰構，士



詩形髯谷水陽婉變崑山陰瑤珉玉想堅潘尼贈士衡詩崑山阿有紀後人遂構婉變草堂配二陸瑤珉玉想堅潘尼贈士衡詩崑山阿有紀瑤有珉穆穆伊人南國之紀

華亭孤鶴在清唳隔遙天

### 泛舟游余山

莫問雲閒士先尋物外仙未攜吳地記恰趁陸家船舟子一陸姓老人也白日

當春麗青山失舊妍草堂何處是祇廟已崇天干山舊有二陸草堂為樓雲讀書處今失

所在獨余山天主堂極崇麗云天

### 斡山懷余瑾

我來斡山巔高風溯余瑾更號舒隱生山翠挹壑潤時衰運數奇寧

退不求進一瞥六百年去去秋雲迅胡虜遍中原赤燄長灰燼入關

仍出關斯語疇能信關定安句坐見入關仍入關瞻焉顧山椒白日依依盡

### 下山遇獵人

山禽棲幽篁自謂得所託宛轉一弄音悠悠良不惡寧知有獵人到

處善抄掠登頓歷山椒不惜穿芒屨鏘然突作聲彈丸紛錯落雙翅  
雖飛飛寸心遽驚愕倉卒生安逃斯須羽翼竟鑿可憐軀命輕指顧烹  
薈錢回頭看獵人市酒正驩樂

楊莊日淹留忽春將暮謀事百不成疇得知其故差幸獵遣聞高

風動遐慕梅墅獨徘徊物也傳係楊鐵崖舊植門外賂今仍號梅

可敬借淇園數停駐閒作峰泐游登頓不暇顧與酣發長謠時時得

佳句扁舟乍來歸芳馨已傾注邱嫂出春蔬諸昆理茶具爲問興趣

無一一自陳憇燭跋未嫌闌宛曲通情樣語久輒愀然瑣碎及家務

兄也既頽唐而予更乖忤入山苦未能處世婁頭仆鬱鬱漸中年何

由爭建樹悲來急上牀轉側動驚寤苦恨塵事多欲留不得住一朝

別山莊去去輕舟鷺曉發吳松江夕抵曹家渡漢漢樹含煙濛濛野

浩歌堂詩鈔

籠霧心躁向前途不擇泥濘路荒村夜已深歷市火方吐時事亂衷  
腸低顏醉清酌時警鐘報大譁堂雜誌方被禁銅

稼園哭威丹

半春零雨落繽紛烈士蒼涼赴九原正是家家寒食節冬青樹底賦  
招魂

憐君慷慨平生事只此寥寥革命軍一卷遺書今不朽諸君何以復  
燕雲

別上海  
庚卿自是窮愁身天欲枯之寧怨人吾舌尚存筆尚健陽秋著述未  
嫌類

風塵何處覓袁絲落拓窮途廢酒卮世有網羅惟許隱生多憂患莫  
難於風谿道中用郭丹叔集中韻

嫌癡神傷烈士歸魂日丹氣短亡人去國時無我亦徘徊歧路者側

身江上獨遲遲只南天曾圖障士誠恐潮音礙健鞋

舟過青浦

桑枝簇簇柳條橫春水醺醺嫩殺生小鳥低飛迎燕翦天聲高落聽  
風箏潮因地下沙繁岸黃沈倒灌潮日西侵草爲根多綠上城天意似猶憐未

路孤舟相助一帆輕

內東將離思先妣也自先妣沒而不肖學殖日以落雖有綠陰如黃

萎何

陰陰三月雨如絲蘊落殘紅綠滿枝多分春暉留不得只須幽怨託

將離

天鏡夏夕讀殷氏松陵詩徵時予方盡失其拜汲樓詩稿而所輯鄉

邦遺文數十卷及此本獨未散佚一若有陰護之者爰感而

浩歌堂詩鈔 卷二 八 百尺樓叢書

賦此卷故有陳夢琴希題詞即同其韻

天教老阮哭途窮敝帶於今等落紅空笑少年輕着筆枉期流派續

群公子舊作有松宵深獨檢松陵集却後彌彌爨下桐自古衣冠羅

拜盛吾生奚敢薄雕蟲

觀夏考功遺札

內史文章日月縣南冠一草正重編時子方編定公考功遺墨猶矜

貴合付貞珉子細鐫

清言霽幄多高誼故紙斑爛發古香若與黃門論書法一徹圓健一

清剛黃門書法刻畫居多而公則時寓潤

讀瞿稼軒蠟丸書

大地江山半入燕孤臣撐柱只南天何圖朝士無弘略洛蜀紛紛搆

兩賢船山祖楚而黎洲直吳江相國一偏之見賢者不免而公獨兩抑之卓哉

匈奴未滅恨何如縱有天恩斷不居矢志未成徒立節那堪重讀蠟

丸書帝每論功行賞公輒監辭書中述之頗詳

觀楊維斗先生小札

先生壇坫之宗匠却笑何多方外緣落筆寥寥三數札大都乞米與

求錢

入天珠蘭

一簇濃霧錯翠翹鬢絲斜壓抵焚椒長門鎖日渾無事算有珍珠慰

寂寥

吳門過程學啓祠門內語意頗東慨何悼今錄其最見其靈

作賊非賊官非官一身反側空盤桓江湖血戰總何事徒令八杰喪

其元

虎丘過李合肥祠堂不入春風草草早凋南浦出風



桃柳疏疏密密橫  
歐西亭子乍經營  
春風若早嘘南國  
此地應祠李秀成

贈吳祝臣龔棟時君方贈予長輿伯遺稿

鷲地相逢吳季子  
鱗鯨門內話遺徵  
東湖吟舫今猶在  
想見英靈振羽聲

采芝圖爲沈騷廬廷鑑題

人天無計覓飛瓊  
海上神山緒費縈  
豈意夜來清夢適  
萬梅花裏即蓬瀛

驂鸞騎鶴恍乘雷  
隱約仙人萼綠華  
試問青芝山一座  
深深敢是箇儂家

知君情誼似黃門  
忍向蒙莊和鼓盆  
枳枳不隨蝴蝶去  
九原那有未招魂

任晦園林艸莫除  
隱侯今復曠郊居  
繁華過眼都如夢  
我亦淒清淚滿裾

空向西山去聘梅  
藐姑仙子影徘徊  
何當卜築雙崦際  
刷取靈根遍地栽

夢雪郎時君卒已四年矣

猶是芸窗鬪捷時  
拈題作賦漫吟詩  
夢中忽作唐人小賦一篇堪憐起處作裁句兩首以示君

世局滄桑變欲話  
風流事豈知  
奇絕良宵馭鶴來  
翩翩無改俊丰裁  
神交信有幽明感  
贏得詩狂一致哀

蕭落韶華等逝波  
未成絕業遽山阿  
陶潛別墅今如故  
忍向殘陽掩涕過  
君又姓陶所居復齊別墅自君歿後子未嘗再過其門

喜得無畏書却寄

驚鴻迅天末勞思各何如萬里三山國千金一紙書崎嶇憐薄恙書來

言近得病疾四日而未瘳 箸迹慰蟬魚憂患餘生後交情忍爾疏

一自傷離別中原事迭殊冤沈梁苑雪都懸魂斷太邱閭陳說全抔土

秋榮艸黃腸麥冷孟相期敦古誼揚闔竭瓊珞

天且期君厚雲霄羽獨蹇不需秦力士且振漢山川圯上黃公履

中老父船此時應記省毋復怨孫荃

我亦翻然矣理名隱獵漁朝從屠狗侶夕宿釣璜居思想枯禪似形

神落木如祇因餘眼福閱徧剡籐書名予近獲觀明季東林復社名賢手蹟約三千餘通

斟定長興伯遺集謹書其後

浩蕩襟懷壓九州邊陲長恨敵劉黃龍痛飲心何壯赤日揮戈顯

豈酬儘有蠶蠹楊僕將可無綸羽孔明謀淒涼一夕悲筋動極目東

湖遍鬪骸

杜老文章數八哀傷今懷古一時來六公佳詠殊雄匹朱竹垞云啓融之際風雅

後替古風尤置不講日生奮跡松陵福六公詠原本杜老八哀之作諸將當年盡異材板蕩餘生思出

塞胡無人問九邊圖等作行陸沈無計拯香災留都更謁功臣廟留

都謁功臣廟作想見愁腸日九廻

落落中興議四篇知君不減祖生賢赤眉恨未摧殘寇白狄驚傳入

朔邊合沓樓船橫一隊從容珠履納三千何圖併作青年哭笠澤雲

間兩黯然夏完淳南冠草有細林野哭吳江野哭二詩爲公與陳黃門哀也

英雄騷屑亦填詞十萬年愁總繫之鐵板桐琶餘激楚美人香草寄

相思降胡獨和昭儀曲亡國深悲趙氏兒有滿江紅和王昭儀摸魚兒賦浙江湖詞最是

滿江紅四闕分明鵬舉北征時

光陰純似轉輪車落拓江關意未舒醇酒苦難排日飲秋鐙聊復賦

浩歌堂詩鈔 卷一 十 百尺樓叢書

閒居黃冠獨有逃空老青史誰來盡信書自古沈憂根識字十年快  
懶注蟲魚

夜過毘陵驛

汽笛一聲長毘陵落道旁吳音駭厖吹鐙火眩星芒濃夢觸舳覺寒  
風砭肌涼起看霜月白城郭正微茫

焦山中流遇急湍

鼉柱獨擎天滄江湧一拳奔流多激盪於此一迴旋謾疑松籟淙  
淙響石泉投鞭非易事還與滌腥膻

卷二 完

入章樓八哀詩今歸古一編來六公詩經來蘇女兒縣祥校字

多  
黠  
山  
集

民國十三年元旦

漢氏





浩歌堂詩鈔卷三

百尺樓叢書

百尺樓叢書

影山集

松陵 陳去病 佩忍

丙午元旦

脫胎換骨從今始莫更依人籬落間自古丈夫多振拔壯年何苦汝  
低顏

過虞山


海虞山色黯然收夕照蒼茫月一鉤拂水乍傾紅豆萎豈宜重問絳

雲樓

涇縣道中賦雪

瑤宮貝闕敞空虛玉樹瓊林密復疏高士有誰終閉戶勞人如我獨  
驅車未遑馳背來敲句悔不羊裘去釣魚但得游楊時對晤夜深三

尺立庭除



浩歌堂詩鈔

卷三

百尺樓叢書

別旌德縣城喜大雪初晴

鶯地銀光耀眼來喜看晴旭撥雲開遙知南國多春意芳草青青映綠苔

冒雪踰新嶺有懷金文毅公聲

石棧穿雲迴孤亭枕雪涼攀躋雙屐滑長嘯萬山荒落日明殘壘悲風扇莽蒼精忠應未沫憑弔有餘傷

來新安兩月矣卒卒未暇弄翰偶從枕上得數絕句以寄同人

含光隱曜方山子解組抽簪太守公漢陳業為會稽太守見世衰亂棄官入黃山中我亦江

南舊門第故拋塵事入彀中

世衰亂棄官入黃山中

習之簡錄來南錄務觀鋪張入蜀篇慙媿何曾工筆札幾回伸昏總

茫然

茫然

紫陽山色箱漁梁中有弘儒起草堂七百年來風尚變阿誰卓立挽

灑狂子與諸生講學慨拈斷處堅苦二字以鍼砭其失

十鐘聲聽有無要餘風雅落吾徒呼朋挈榼尋詩去爛醉行觴盡

百壺連日承地主招飲練籍之上殊快

喜得海外書却寄

故人南海寄書來血淚模糊着手哀捲地風沙連朔漠滔天洪水汨蘆灰神州已絕揮戈望圓嶠空思復楚才那得相逢叙悲憤吹笳齊

上帝軒臺

清明屯谿道中念先世祖墓有爲族人盜賣者不禁泣然

村宇爭嘯怨冬青亂落花春風扇寒食愁思鬱天涯坏土何年復孤

貧屢自嗟嘉田今售吾友范孝廉處會許贖還昌平好山水一例屬人家

自柘林橫渡登岑山佛寺

一泓谿水碧如油小有林櫺比十洲記得年時江表住寒濤添上幾

分秋

去冬客京口頗  
攬金焦之勝

太炎將脫于理詩以招之

天涯有客繫柁楊一鐻圍屏歲月長同坐並憐梁苑客冤沈三月雪  
如霜

亦有長淮荆聶儔擊奸不中係繫囚十年未許瞻天日何似先生強  
自由

避仇曾記蔣山傭笠屨飄然西復東茲事吾曹有成例未妨天際作  
冥鴻

前途況有無窮責正月春王付與誰土挫繩牀良不惡好憑鉛槧辨  
華夷

春暮獨坐紫陽書院

綠肥紅瘦正芳時倦掩繚細寄所思欲上山城行不得杜鵑聲裏雨

如絲

我有干淇雙柄劍欲輕脫之當與誰小鬼揶揄大鬼睨摩挲中夜空  
憂悲

春風吹老季鷹繩幾度思鄉夢未真好向君平卜良日落梅天氣下

江潯

匡廬書來多厭世語欲從予游予尤厭世人也方將振健翻事  
冲舉以求乎無爲之鄉又烏可偕吾游耶故歌以答之會心者  
當不遠也

世塗莽荆棘涉足恆徬徨雖處空谷間猶然多整傷會當上寥廓振  
羽高徊翔寧貽厭世譏識者心自感

前路多悲風清塵安可期三辰自昭昭黑雲時蔽虧天道尙復爾奚

臆人所爲翻覆不常好可悟衆變機



欽州城上望黃山作

黃山可望不可即但見雲門名雙接天白日銷沈驥足老何時登眺  
漢山川

獨坐披雲峰下

長林翳白日清陰扇微風適茲地幽曠小坐聊從容閒吟陶謝詩高  
音振長空自顧亦至樂彷彿羲軒農安得晤玄侶乘雲翔鴻濛

再游如意寺

林梢翠欲滴孤雲白仍封喜逢時序暗赤日懸當中散炎入幽籠襟  
懷澹空濛時聞鳥鵲喧雜之以流湍快意不覺晚登頓常從容焚修  
本吾願奈何隨征蓬終然祝玄髮皈依梵王宮

玄悟一首寄屋廬

滴漏崩岩阿穴蟻傾巨川庸夫忽蒙髮毒禍常蔓延至人喻玄抄當

幾思真詮自守貴純粹壁壘堅乎堅明堂燦然作雀鼠奚容穿一朝  
遽曉暢白日當中懸妖星立遞曜蝦蟇何由前用表坦日忱昭昭享  
帝天沃若蒼黎心明禪爭修虔所以千百載潔人無毀焉而我薄謙  
筋而汝脫幅邊自治既缺失奈何多周旋萬幸白圭玷不則寧瓦全  
到此發慚沮譬之遭風船篙舵已決盪同舟皆被滄安得扶助力所  
貴強躍淵前日吾死日今日吾生年祓除舊污穢重開潔白蓮茲亦  
懺悔法持之成天仙不然鮮決斷隨風逐流泉滔滔日以下何時還  
高巖徒爲衆矢的長忘日影鞭自笑亦何苦不如松風眠

病中百感紛起無可傾吐信筆書此以寄吾友蓋餐霞之侶本自  
紅塵中來脫不一回震盪安得一回澈悟願吾與屋廬交勉之蕉  
雨醒夢明鐙熒熒覺此時胸中若服一清涼散也去病吟罷自識

丙午閏四月望夕

自歙州入山中投止下洽三十韻

山行百變幻陰晴良難期自初過西谿微雨來絲絲忽焉風飄颺黑  
雲紛迷離陣雨遶翕集滂沱復淋漓呼御力疾趨道路多逶迤方恨  
天嫉人阻我名山遲頗思返南轅一室甘囚羈何圖雨迅止白雲滿  
山陂潺湲瀑布聲宛轉穿林涯徑過潛村口光景真神奇高峯閣四  
圍爛焉燿陽曦乘隙一漏光陰雲隨蔽之行行歷陽干畧竹殊平夷  
云是黃山口萬峯益參差卅里達下洽晚雲紛低垂前程尙修阻僕  
夫良勤疲停輿急投止卑躬入茅茨戶牖雖不完地位差相宜既瞻  
山色好復聽鳴泉馳入夜蛙黽語無分吟與蛙懸知夏令新穰鋤將  
頻施山農苦田少陂陀皆墾治陡上若梯級勞瘁良嗟唏非如吾吳  
民醉飽徒酣嬉膏腴任廢棄稂莠憑榮滋卒令官裏去脊背供鞭笞  
當時亦快僕轉瞬終狷披安得挈之來俾識胼與胝庶革頑惰風努

力還皇義我當返鄉國長與山中辭

將禮天都特詣湯池洗祓還宿紫雲庵齋宮二十八韻

鷄頭溢溫水魯陽涌神泉吾昔學洛都魂夢頻繚未既汎滄海一  
權求神仙神仙不可遇聖水時流連芳香育靈氣溫煖猶挾繇瘡痂  
縱千百洗濯能立痊俄焉返鄉國憂患紛煎每逢百不慰東望徒  
悽然因之日厭世黃冠譚玄玄朱方不足托來登黃山巔龍髯雖莫  
攀丹籛差堪傳奚况煉臺旁沸水清且漣湯院即頽廢石室堅乎堅  
咫尺煥蘭若佛光仍湛圓大類曲阿廟井潭紛其前復如南陽谷冬  
夏無變遷蘭湯復何齒神瀆且比肩依稀過梁縣仿佛經藍田相傳  
有丹砂其下埋千年要除驪山籠赤縣渺並焉畧聞浮邱公賴此昇  
青天迢迢千萬禩流瀟彌澄泔我本好道術旨趣尤騰蹇一浴神志  
清再浴體輕便迨經三拍浮蟬蛻翩乎翩端然坐齋宮意態何嫵娟

萬象悉洞燭悟澈無中邊明發禮天都排空馳雲耕

慈光寺

平明潔齋沐來登黃山巔中途得古寺蕭條餘桷椽猶存往代號  
觀興艱年當時聖母恩錫帑施金錢善信喜增附巍峨煥林泉何圖  
世變易兵燹相蹂延伽藍委荆棘僧衆嗟迤邐鳩鵲殿前語鈴鐸風  
中懸既乏善男子何繇締福緣嗟我屢踰躅有懷不得宣空山獨踟  
躕願力徒宏堅安得際盛明重來開法筵

石門磯遇雨

上天下地俱不見身在白雲繚繞中山雨忽來沓洗被峰風回首入  
鴻蒙齋心咫尺通幽座策杖從容到碧穹長嘯一聲思往事海門東  
遇引舟風往在長崎會  
彷彿此景

登天都觀雲鋪海作

長松寥寥蕭復森天風琅琅吹我襟輿酣直上千丈岑回頭一顧迷  
山林烟雲怒捲深復深烏廓大地真陸沈天步高高崢嶸响天門蕩  
蕩虬龍蹲平生秉持潔白心到此一息通神靈風雨何來天氣陰鳴  
濤萬壑轟雷音九天九地歸混沌長終古今雲冥冥

文殊院夢太炎出獄未果茲然書示衲子

萬山風雨劇淒其讀罷楞嚴幻夢思恍有神靈來詔我似聞箕子尚  
明夷龍蛇在壑容吟嘯麟鳳游郊總駭疑但乞老僧與超度長明燈  
下佛虔持

大風雨自黃山絕頂降至湯泉浴罷禮佛二首

驚濤萬壑走鳴雷一白混茫黯八垓風雨滿山雲滿麓孤筇三尺獨  
歸來

徑入靈泉重祓除明心見性入玄虛休云道力通三昧若問塵襟便



已無

再宿紫雲庵聞山僧弄絃索高歌怪之

永夜不得寐靜聽山濤聲風雨大翁集奔騰駭雷鳴禪房本幽寂僕  
夫多震驚而予獨超悟冥心見玄靈群魔百纏擾譬之鐘磬清香花  
供如來燦焉生光明咫尺見大道悠悠趨前程所怪諸龍象心性何  
猗猗梵唄聞復寂新聲徒啣嚶那得大解脫一洗塵凡情

浪游黃山還次湯口程翁明德治具留宿夜話有作

山邨復水邨碧澗盡當門溼霧穿幽壑鳴澗沁旅魂比鄰儲藥艸醇  
俗想桃源莫問扶桑事神仙此地存君以日本風俗見詢故云

容谿夜宿

席帽行經羅隱家主人爲門人羅華之兄相逢揖客暫停車雲橫谷口亭將暮  
夕照黃初庵已斜二處俱在容谿入座快斟霜落酒縱譚顏羞雨前茶朝來

徑逐容谿去回首天都霧欲遮

將歸具區羅生華持昏乞言爲書此貽之

壯夫志四方結交得良友學術共琢磨疑義互分割一鑑黯然青古  
道日與守芴芴百廿辰臨歧遽分手贈處可無言人生貴自負寧爲  
游俠兒勿類巾幗婦慷慨任艱難立節勿云苟庶幾涉世途有碑皆  
在口不然百無聞卑哉落牛後他日倘重逢彼此傷心否

放舟新安江晚泊瀨水有作

放舟新安江攬盡好山水三百六十灘灘灘歷嶮巖有時瀉長流如  
將達千里忽焉突一灘奔流遽停滯轉舵復回航將行輒中止偶或  
觸暗礁岌岌不可恃衆夫盡喧騰長年共驚悸跳身沒江心齊聲力  
撐曳譬若分太犀馱舟下江灘最險梅花灘巨石猝然起或臥如伏  
牛或逞如狂兇或森如槎枒或平如周砥一一各殊形彙疊互踣時

是爲歛之門其水益加駛過此爲嚴州江關水平矣灘石旣以無風  
俗亦以異蔬果漸殷錄鄉音畧相似最愛七里瀧鱗魚多美味佐之  
以醇醪臨江快然醺厥名金華春芬芳稱心地爛醉過西臺登高發  
悲涕

七里瀧

桐江五月水縈紆黯澹山川客棹孤被酒乍酣眠乍穩一聲驚破賣  
鱗魚

嚴瀨謁子陵祠登釣臺西望謝臯羽慟哭處

子陵祠下暫停舟料峭來披五月裘太息先生一高蹈遂令千載仰  
風流臨江可惜西臺倒晞髮如逢臯羽游安得當年竹如意哀吟憑  
弔漢春秋

夢中過桐廬作

浙西郵人大佳士手把芙蓉上玉京時不遇今天帝醉廣陵一曲奏  
哀聲

贈劉三

蜀郡鄒威丹旣卒予以書抵劉三乞謀片土劉君慨然割宅  
旁地數畝葬之復爲封樹植碑以彰其烈予甚感之時因謁

墓爰贈此詩

縉三今義士借定庵句慷慨重交游以我一言故而爲烈士謀千金收駿  
骨抔土樹松楸差喜章枚叔生還可暫休

虎林雜詩四首

弼教坊前掩涕過草橋門上聽悲歌思量二百年前事秋艸荒原碧  
血多弼教坊爲吳赤民潘力田節節處  
草橋門則吳長興伯就義之所也

勛臣祠宇接湖濱殿繞荷花屋擁雲底事邨人渾不解瓣香齊上岳

王墳

落日中流打槳回西泠橋畔費裴裊過江名士知多少不及當年蘇  
小來

反顏事讐奚爲哉古今端不替汝哀枉拋軀命稱同調一見孤山一  
釣臺

江行雜感二首

風塵何事苦栖栖一櫂逕迴日向西行盡之江七百里不堪聽到鷓  
鴒

奇文一卷名辨史箸述將成可共看若問此中言外意陽秋微誼漢  
衣冠

重過西臺尋謝皋羽墳不得返舟獲巨龜一頭食之甚肥

重向西臺駐客船高風寥落費流連荒江但聽寒潮漲額宇誰將碧

血鑄龜勉文章搜海甸近與友人鄧實校印先生遺書艱難香火拜遺阡夕陽欲下

溪山晚侶悵空撈縮項龜

晚經茶園

淳安縣東南六十里地也

茶園地埴爽烟火足千家小市疏還密民風樸未華流亡方翕集博  
筮競誼譯去去朝歌道吾師墨子車

讀吳駿公集

故宮離黍隱銅駝大好神州等逝波幾輩金蘭昭大節一生懺悔付  
悲歌屈平詞賦牢騷甚庾信文章哀怨多算有少陵詩史在遺民心  
事不曾摩

過方嘯琴文雋齊頭觀李長蘅爲陳文莊公所繪山水及眉公

畫棧長卷

對水無聲白石頽雲開吳下重悲哀銅駝落日埋荒棘秋雨深山話



劫灰灰燼千尋餘寶翰當年諸老並天才嗟予別有興亡感悵惻棊  
花紙上開

秋夜山中不寐

人生失母後驩樂總無時株守百非計客游良可悲秋風涼徹骨山  
鬼夜侵帷起起看明月驚心艸露滋

良夜月色甚明屯谿沈紅羅切鄭儀諸子邀飲小蓬壺示邁樞

魯德

飛甍繡闥敞層樓月白風高萃勝流俊偉衣冠追洛社光明世界際  
中秋沈沈玉漏催銀箭耿耿銀河隔女牛頻向碧闌干外望鮫宮隱  
約舞潛虬

孫列五麟邀過其莊譙飲甚歡賦此奉酬

伯符家世振江東磊落英姿自不同擊劍彈絲餘俠骨讀書折節有

儒風聚星我媿賢人伍設醴君勞禮數隆但得玄亭來載酒問奇時

詣老揚雄

續谿胡佐邀同諸子再集小蓬壺看月用前韵

零露無聲月滿樓清光照徹水中流悲歌慷慨頻驚座痛飲淋漓恰  
到秋世事張皇終失鹿人天寂寞感羣牛田橫義士今何在合向扶  
餘訪俠虬

中秋自屯谿赴唐謨飲許氏花汀同座有賀子嚴上陳魯費直

邁諸子

水殿荷風拂檻涼秋華蕉萃褪殘芳聯翩竹箭來羣彥錯落觥籌醉

羽觴大好神仙行樂地唐時飲人許宜不仙去可無明月正中央是晚月滿頭色欠明

染翰留題去貶損前賢墨數行園中宋明兩朝石刻甚多除羅黃米蔡文祝諸大家外若朱晦翁羅念庵

輩又皆以儒術顯不特翰墨彬彬焉

九月朔日借過樞作齊雲之游出門口號

忍擻醒眼見羣魔猛力牽裾渡愛河世廟齋宮瞻突兀齊雲山玄天齋素宮保明

嘉靖朝建而設醮焉齊雲山色仰嵯峨翻翻白鶴雲中侶公孫茂累耶郡原不至乃歎曰耶君實不

網所能羅也傲岸黃花酒後歌任爾幾經龍漢劫到頭還算赤明

多張君房雲笈七籤靈寶略記云過去有劫名曰龍漢龍漢一運經九萬九千九百九十九劫氣運終極天地崩四海冥合乾坤破

讓無復光明經一偈劫天地乃開劫名亦明劫

夜宿藍渡

在休寧城西十里其水發源縣東下屯谿入新安江

冉冉霜林葉染丹爲看秋色滯征鞍長虹寂寞橫藍渡影水潺湲下

急灘雲氣沈沈山欲睡星河耿耿晚生寒黎明準擬朝真去端坐沈

吟夜向闌

自望仙亭循桃花磯登天門觀羅漢洞上雲梯謁玄天太素宮

有感

砌水桃花付劫灰天門詠蕩仰崔嵬仙人躡躡今何在太守劉郎去

不回明江西廬陵人劉錚爲揚州太守時嘗訪張三丰於宮右之桃源洞壁間留有詩版今訪之不能得錚後爲倪文煥誣陷死

厭世低徊尋洞府奇觀約畧認樓臺樂史寰宇記白岳山峯獨登其東石壁五彩狀樓臺在室中勢

欲飛動乃如神仙五六人憑闌觀望久視之乃知非耳予來山中證之殊信蓬萊宮闕渾非昨厄閻黃楊

信可哀今歲閏月中宮殿遺火燬其門闕

自玉屏過紫霄峴歷三姑峰望五老獨聳諸峰上方臘寨抵聳

翠庵

玉屏山翠覆層嵯真武祠荒日色斜歷歷諸峯都在眼亭亭孤峭獨

穿霞人從石骨攀躋上庵仗着巖曲屈遮此庵因山爲屋故半皆洞壑稽首空王

證圓覺萬緣銷釋鏡中花

聳翠庵前望樂平婺源諸山有懷朱晦庵洪忠宣沐西平及范

文程

黜山委宛自南來保障荆揚壁壘開

黜山山脈自南嶺東來至皖歙間分爲江皖二者

發水

灣環鍾閉氣洪巖窈窕孕奇材地靈人傑一時盛學術經綸百代該

怪底踰淮能化枳不如丐養列雲臺

西平爲太祖養子以相隨北伐有功封黔國公御賜鐵券勅世

守雲南以藩王室其父本樂平李姓因罪徙鳳陽改姓沐

### 東陽道院小閣與邁樞對飲望黃山作

鍊丹曾踏帝軒臺

山有軒轅鍊丹臺一震驚迴萬壑雷子游時值大雷雨乃超萬仞而下浴於

滄澗險幾揮韓愈淚

愈游太華不得下途狂號經滄澗陰令爲設法繩而下之探奇空詫謝公才

登高恰到茱萸節與子同傾菊酒杯爲指天都誇影事雲遮不見眼

纔回

### 欲上香嶺峰不果

昨日方誇腰脚健黃山白嶽兩登高如何眼對孤岑秀若被風吹隔  
海遙差喜天梯強半陟未妨臘屐待重遭臨岵不忍空歸去長歎松

林氣倍豪

### 珍珠簾觀滴水

在文昌巖傍

點點珍珠滴作泉激成清響聽潏然休關玉液浴丹井絕勝楊枝灑

碧天簾比水晶鈎欲上盤疑承露淚頻懸可堪題品渾如昨塵世滄

桑幾變遷

羅念庵詩碑二在羅漢洞妄人以其石淵淵作響有若鐘擊擊

成兩穴其未穿者尙三四不禁惋惜久之

念庵道學足名家染翰吟成筆燦花雙屐曾經來洞府七言有作走

龍蛇鏘金激玉山增媚煮鶴焚琴客太差最是明珠遺集外探驪無

那暗興嗟

二詩集中皆無之

過戚繼光與客同游題名處

在羅漢洞左石壁上

戚大將軍筆仗奇登高何以不題詩方嚴鐵畫銀鈎字窮窅尋幽選



勝時珠履雍容多侍從所播客皆新安人風流儒正想威儀平倭討虜今安在噴淚模糊過此碑

休寧過葉生世寅家所以餉子者甚厚

松蘿山色鬱蒼蒼山產佳茗在休寧城北十三里有客停車夜話長喜汝劬書尊祖國嗟予學佛證空王雲游自古稱天放先撤志始無魚山集竺地遺民也者運否何妨逐楚狂抱關守殘須倚仗莫令金匱感滄桑

古城巖下觀魚在萬安街之南旁有澗古書院爲金正希文會處

魚樂非魚那得知知魚真覺解人頤靜觀物化通神契抄澈玄微息妄思一角樓臺澄止水無絃琴韻隱靈機巖右石壁有刻擊臺二巨字香温茶熟

何言說咀嚼純陽壁上詩巖壁有純陽子呂洞賓題詩

還古書院有懷金文毅公公諱繁字正希休寧城東十里臨石人也隨武即位遣使拜表帝特授右

都御史兵部右侍郎總督南直軍務歙州破還繫南京不屈死之

中朝昔喪亂胡運方披猖八閩建行在真主坐明堂爰有沈毅士拜表進篋筐帝心鑒其誠下勅亟褒揚超擢授虎符俾之守嚴疆公也激主知受命勤勳任事不逾月望風皆來王進收旁郡縣威風益飛颺指日奏大捷破竹出荆襄時事國邱祖德臨縣尹民與貴池與應實皆應之公有齊年生故御史氏黃植此搶攘際突然歸故鄉道以援師來衣冠殊煌煌相見復何疑開門奉壺漿天道已反覆人心都變常嗟嗟故黃生不若一江郎竟賣其友去納土逆豺狼可憐烈烈士駢首見巫陽公爲同年

首誰濟善真不祥即今逾百載弔古心盡傷登頓訪頽守裴襲入莽

若殘碑畧可讀韓碑中有風流今已亡爰知千秋業不必盡文章金

蘭伏礎俎反眼生炎涼不如風塵土節俠凌冰霜宜賓及申甫壯烈

眞航航並命一朝斃國祚何能長申甫故僧也劉之翰字元誠宜賓人崇禎朝廢僧齋輔俱由公薦任

浩歌堂詩鈔 卷三 十三 百尺樓叢書



陽腔泉中有高懸臺閣秋千飛又弄磁障地行舟諸戲

白馬何人解報仇紛紛碧血水東流明鏡此夕笙歌滿我獨沈吟憶

贛州明楊廷幹郭維彭期生黎遂球諸賢皆於是日死贛州之艱

登黎陽主簿山

一拳亦玲瓏兩峯特峻整俯瞰古黎陽邑改猶存井屯縣西上一里為黎陽廢縣至

今有上下黎陽之稱一井猶存可以概汲

懷劉三

生從倉海求雄戰死為要離脫左驂莽莽風塵論俠客大江南北兩

劉三

白門秋柳蕭條極在平時潭水桃花淺更寒無長時江上何來好消

息側身頻拂寶刀看

題凌御史像

弘光朝欽縣凌井心先生關保障睢陽城破不屈死之即世  
所稱揚子江頭凌御史也予既式廬謁墓並重影其遺像而悼之

飛布山高練水長天生奇傑繼睢陽城南一夕星辰動公死時有火星闕于睢陽  
南城又見男兒仗節亡

寒夜山中讀史弱翁遺詩及徐曜庵哀悼之作

亂離貧病兼無子自古才人感慨多生奈故交俱殉節死非速朽待  
如何京華夢醒空懷舊所著有舊京遺事與江者舊傳滄海波深枉權注又著河渠注鹽法志  
慙愧後生披賸集悽其風雨滿山河

為諸生講史

秋深木落山如燧風雨蕭蕭晝閉門開與青年話青史靈旌隱約降

精魂



興亡自古尋常事只爲中原種族悲辛苦驅除阿骨打即今依舊混  
華夷

無端猝遇赤眉禍到底終懷左衽羞億兆兒笮亦已矣不堪騰笑逼

瀛洲

而今休痛無家國不見稽山勳膽薪匹婦匹夫咸與責楚雖三戶可  
亡秦

晚步河西橋

日落孤亭冷石橋白楊風動景蕭條寒泉咽石流還澀獨鳥穿雲意  
未消荒冢荆榛枯朽香欲尋灑江大秋山黃葉女郎樵驚心歲晚人  
將老幾度思歸望客棹師墓不得

孤城斗大亞山腰入暮魚更盪麗譙艸薶欲完峰種種月明無語影  
蕭蕭琴樽冷落風流盡飲于此湖海蒼茫感慨遙聞道西江方戰

伐極天烽火映山椒

時聞澤鄉有革命軍起  
事歎城亦加意防守

冬望

冬山渾欲睡騎望總微茫雜樹零秋色停雲是故鄉有風搖葉響如  
霧接天長獨立增悲思佳人漸老蒼

歲晏置酒與諸友別乘夜山行十里至朱家村舟中宿

此別豈草草拉朋罄一壺醉來忽狂笑揮手上籃輿星斗寒芒斂風  
霜夜氣粗蟒蛇當道否休被乃公勸

亦有諸同學相看別淚粗殷勤與長揖悵獨愁余月黑驚村犬灘  
長叫鬼車酒人心膽壯魍魎莫揶揄

曉別深渡

曉睡不得穩起看霜滿船谿山俱深深天地此迤邐水澗舟難出風  
高羽獨鴛休嫌昏霧塞歸去正悠然

桐江晚泊

北風如虎浪如雷十日澗洄浙水隈  
今夕且投村外宿烏曉月落黯  
西臺

富春

長垣閣道黯然收莫問星河亘斗牛  
惟有天南餘晚霽故應街北隱  
旄頭

千年鐵鎖脫祁支淮海神皋絕地維  
一自茫茫禹蹟杳未知何計着  
災黎

歸家雜感

抽刀斷愁愁不斷歲莫崎嶇且放歌  
琴劍飄蕭千里別江湖涕淚一  
身多風波險惡應如此交際淪亡奈  
爾何畢竟吾儕當厄運山林朝

市總蹉跎

不成絕業不名家落拓窮途感歲華  
忍死偷過開日月側身恥弄舊  
琵琶彌天新布珊瑚網遜世誰乘笠  
澤槎欲招無畏  
僧隱不從傳說吳江文獻  
盡老人星殞淚如麻辛廬凌先生  
於近日下世

張雅集

廖仲愷題

卷三完

卷三完

卷三完

卷三完

卷三完

卷三完

女兒歸祥校字



浩歌堂詩鈔卷四

稟椎集

讀鄭所南心史丁未

吳江 陳去病 佩忍

百尺樓叢書

烈女傷故夫烈士思故國同此失所人飲恨曷云極卓哉帝宋朝遺  
臣盡瓌碩煌煌正氣歌中天震霹靂下連啼髮吟哀音盪魂魄俱垂  
天壤間炳若朝曦赫而如鄭億翁耿耿尤奇特恥爲頂笠民甚且崇  
大德所以一卷書冽泉不侵蝕天使起鐵函一朝播靈跡要爲亡明  
徵大禍陸沈迫先機覺斯民庶幾示之的果爾復社賢寧死不降敵  
仗義起樓船江湖恣討賊天意不可知中原遽淪沒大義日消亡斯  
道益淩轍所幸此史存衿纓得窺測藉明夷夏防而嗤姚許惑罷勉  
勵前修一振雲霄翼

吳門游後半月因事重過昌亭遂覓前舟作竟日游即示天梅

諸子

陶陶盟夏日當天落落襟懷澹欲仙  
愁雨嬌雲渾散盡未妨重坐沈

家船吳門畫船多沈  
性此其一也

西園游盡復留園  
綦跡時時印夢痕  
最是一叢紅芍藥  
含苞欲吐已

銷魂

山塘韵事久沈埋  
欲話風流祇歎灰  
獨我生平最癡絕  
落花時節蕩

舟來

漸離擊筑劇淒清  
沈約文章並擅名  
和着朱公與劉季  
五湖一舸許

重行

志攘天梅各以詩詞見示  
並得柳子題天梅紀游之作  
喜成此

什

君儂文筆皆成聖  
我輩交游各有神  
痛哭悲歌燕烈士  
登山臨水宋

遣民吳門一夕成佳話  
月且千秋付後人  
他日素車須有約  
華涇同

弔蔚丹墳

丁未四月朔日再上蔚丹家即事

烈士今何處  
頻煩過墓門  
杜鵑啼不住  
知有未歸魂

尚有劉三在  
相逢意氣傾  
鬢毛非昔比  
衰颯倍心驚

劉三見示照片  
多幅狀頗衰頹

吾黨將安託  
勞生况有涯  
且傾陶令酒  
莫負武夷茶

暮表君須立斯文  
我未工祇應敍顛末  
聊爾慰幽衷

書寢雜感

死灰槁木復如何  
晝影沈沈忍數過  
難遣近來懷抱惡  
病魔紛似亂

絲多

強起徘徊試一飛  
圖南無計欲何依  
羸羸直似羊公鶴  
起舞猶嫌翅

力微

經年漂泊未能歸望望鄉關願總違剩有孤鴻心一片護群中夜屢驚飛

生平曾未賣癡獸會有愁心酒一杯畢竟自戕非易易十年綺障坐沈埋

掉眼羞看霧裏花兩三同志又天涯閉門覓句渾閒事並世何人是作家

由神  
盲不忘視跛想步孰便甘心老此身我是溺人今已矣願他人做自由神

今歲來海上與順德黃節同居藏書樓者甚久忽念電自粵來

謂其令嗣得暴疾及過歸已彌留矣一見而訣君凡四丈夫  
子其三皆不育獨此長且賢而又遽喪人匪槁木詎能忘情  
君之悲愴自不容已然余之見解正復不同故詩以慰之

吾道已窮何可說百年有恨豈容愁判將浩氣還天地願截情魔付  
幻滛世運未回寧滅絕一身無礙儘飄流人間庸福君休羨不見穹  
廬偏九州

我生示真長秋枚晦聞兼簡無畏

我生既不辰有子安足仗不如清淨身完我本來相無望亦無礙一  
銷翳與障騰步上天衢翛然成獨往

鄧侯不世才好古重耆舊攬撫多異書雕鏤不稍後俊諸尤翻風風  
雅足領袖日夕與編摹出入共攜手高譚泯古今溢胸滌脾垢茲樂  
亦最難允須期白首乘化歸帝鄉廓然渾無有下以見老莊達者倘  
無話

行行上高臺四顧多洄瀾魚爛不復收願缺寧能完徒令視陸沈袖

手空悲歎淹忽亦易盡何事長辛酸與子且行樂放眼青雲端



同方有中學經術醇且深著書比韶護喧吟振元音胡然別海上莫  
鼓成連琴思之每涕泣徘徊向中林時清文網疏君子無容心闕儒  
倘歸來大夫當不禁時無畏懼觸忌諱非出門念之泣然

吾友黃叔度御已與齊年我忝長一齡疾病今纏綿合并適百歲萍

梗豈偶然子於晦開其長三人適百歲三壽自作朋匪容張廣筵要當締貞盟金

石堅乎堅不觀松竹梅歲寒爭炫妍

丁未八月海上藏書樓夜坐雜感

天馬奔騰霧靄空翩乎逐電與追風懸知伯樂探神駿却屬游行自

在中

頭角崢嶸洵可憐風懷蕭灑亦神仙人天畢竟歸平淡九十春光幾

許妍

習習清風送晚涼悠悠桂樹暗生香病夫自覺添煩惱幽致頗懷秋

海棠

轉瞬宵來月更明芳時何處酌瑤觥浙江潮猛蘇臺燼意向吳淞江

口行

避世於今縱未能行吟被髮我何曾悔教拋却五湖長難得采蓮復

采菱

金盞玉脰未歸休落拓秋江愁復愁相憶故人相望遠羨他白戶勝

封侯

一病真令萬念灰浪拋筆墨置金甌阿難懺矣江才盡文字情魔兩

去來

只合瞿曇老此身萬山深處作遺民百千年後長寥寂沒箇劉郎來

問津

夫容江上幾曾開浪說孤山早放梅最是委心任運好微陽井底倘

能回

百年無分翦天驕，剩有愁心答漢朝。照海幾同陸君質，破家終愧霍  
票姚。

寓樓對月

洗滌鉛華脫垢塵，空明遙共此冰輪。盟心不盡懷霜雪，顧影空令憶  
玉人。要覓清流過佳節，可憐孤館照儂身。驚看桂樹婆娑甚，悄向銀  
蟾一愴神。

爲曼殊題孝陵殘瓦

牧馬成群檜柏摧，鍾山王氣黯然哀。空餘一片蟠螭影，猶向宮門印  
却灰。

萬戶千門渺建章，行人誰識故宮牆。休嫌坏土無文字，曾伴簷鈴盪  
夕陽。

夢得柳搖五字醒，以語曼殊謂大類別情會貞壯將赴南昌因

足成一律贈之

夢回開客去，握手淚闌干。風送江流急，柳搖酒膽寒。別情增悵惘，彼  
美共辛酸。珍重潯陽道，琵琶莫漫彈。

腦病復發百感交集書示貞壯即送其行

積年伏土窟，矻矻空著書。窮愁且老死，有懷安能舒。私羨古遇者，意  
氣何鬱紆。耿弇蚤從軍，終童竟棄繻。吾才寧不逮，願逢諸艱虞。墮地  
不見爺，孕腹先已孤。所賴慈母恩，翼卵使之鷦。維時初遘，因破巢殊  
拮据。譬之夏后，繕逃竇爭須臾。迨經再造，力盡荻尤勤。劬老夭，倘慈  
仁豈無青雲衢。何圖毛羽長，厄運乃與俱。反哺未及計，哀哉喪其烏。  
遂令終天感，力割永不除。盱衡況多故，毒饒紛狼狐。冠履一倒置，寧  
分華與胡。翻然去故國，來乘滄海桴。海外多年少，義俠皆吾徒。所嗟

志不一搏沙失良圖久之事旋歸儼然仍腐儒信道苦不篤涉世復  
病迂以之動鑿柄假塞江海墮海墮誼以繁鷓居皆鄙夫從游之騶  
卒拉飲無狗屠長謠還獨哭祈死憑神巫自春歷秋冬抑塞誰驩娛  
信陵縱醇酒阮藉悲窮途行徑絕相似長此將何如計須禮空王被  
髮深山隅由此了塵緣不復爭區區念子遠行役西上過匡廬爲我  
問遠公蓮社今有無

孟冬十日有感

十月風高稻香江邨螿蟹一時黃書生忽地增悲感菊酒何人老  
故鄉

夥中曾記去時年魯酒三升豆一簋別有沈愁無可說新安江上看  
游船去歲在歙州值著水忌辰  
特放舟江上觀土人水嬉

最是江天落日中故人攜我醉秋風魚蝦值賤醇醪美坐話金山塔

影紅

前年沼清約遊京口每當  
夕關西下輒盡醉極歡

冬夜不寐雜書數萬言起而見月率成

中宵憂患未全忘獨對殘燈淚兩行書罷罪言三萬字一輪清峭白  
如霜

寫懷答同社諸子

無可如何姑止此有誰心意事文章三杯濁酒銷秋氣一着殘棋挽

漢疆時方從事江蘇鐵路協  
會及蘇府招股總匯處自笑綈袍仍故我最憐餘子盡迂狂開

劉在江戶開拒款  
會主張勞動罷工陸沈豈必關天意亟盼中流涌一航

仲冬朔日曉起有作

鯤鵬自挾圖南具麟鳳寧銷濟世心若便荒荒老甌澁諸天端爲一  
沈吟

崑山道中



鹿城何處是依約望中收平野連雲闊孤颿遠地浮鎮江無鐵鎖今秋  
夷人有奇賜憑郭有高邱歸顧今寥寂臨風一涕流  
江賽船之舉

頽過一首悼馮沼清

難忘期許意頻過故人居喜見新培土今冬蘇蘇女學甲難尋舊著

書君時文話言增悵惘見其太古心跡肯迂疎爲續雲天誼杯薪救

一車英國銀公司勾通外務部欲強借蘇杭甬鐵路建築費

仲冬下瀚二日被酒而臥忽夢與人並服先朝儒服翩然殊得

惟對鏡自視微覺鬢絲未長耳

端疑白日偷閒過恍有魔神入夢來思漢威儀渾未見駭人冠服已

親裁肯嫌誤我拋章甫竟爾隨人作秀才可惜鬢毛零落盡不隨衰

鄂列雲臺

伊川被髮禍重來蓄目神州自可哀浪說天中曠日月似聞海上隱

樓臺東京黨錮新成傳南國諸生舊有才易服焚巾應有事腐儒何

用一徘徊

歲云暮矣挈女兒亨利赴福州路市樓小飲

銷愁何處是惟有酒家樓落日亡屠狗狂歌有飯牛蒼茫聊獨飲感

慨等浮漚莫更看題柱樓間聯語有文卓西漢兩吾生行自休

汝曹良不惡能讀乃公書且盡一杯酒明朝返故廬含飴依祖母舞

綵入年初休念飄零者窮途賦卜居

守歲重展神交社雅集攝影有悼馮沼清

畫圖重展一徘徊雅集何曾有幾回草草鴻泥留印爪恩慮鄰笛又

銜哀懷人感逝餘三嘆把臂論心總劫灰自古雙星期會淺別離容

易媿岑苔

丁未除夕得除字

愛憎恩怨畧消除料檢殘裝到故居獨飲葡萄餘酒氣雙燒椽燭照  
高廡感懷世局良多憤拜展遺容只自獻三十四年今過盡不堪重  
讀舊楹書

檢得當時所讀古文十餘冊皆先  
節孝在日不肖所親承提命者也

戊申元旦用元韵

迂狂曾未喪其元又揖春光到故園十載婆娑輪弱柳子身栖止尚  
邱樊長圖大念何時慰出谷遷鶯近事煩龜勉著書毋過餒莫令文  
獻委秋原

正月二十四日會葬鑑湖女俠於西冷橋畔

白傅堤長湖水清貞魂今復安軒亭從教蘇小墳前草到得秋來也  
放青

岳墳于墓久荒涼蒼水冤沈孰表章不信中朝元氣盡只令兒女挽

隕綱

玄酒菜香次第陳衣冠如雪拜佳人道旁孺孺爭垂涕道是魯連恥  
帝秦

諸君高誼薄雲天千里殷勤掛紙錢我爲陳辭酬一學好將心事達

重泉

題懺慧詩集

漫數當年午夢堂一門風雅祇篇章韓陵片石西陵墓長使秋娘俠

骨香

天生風雅是吾師拜倒榴裙敢異詞爲約同人掃南社替君傳布廿  
年詩

戊申三月十九日有事於宋六陵

橋山弓劍杳無存誰向昌平奠一尊祇是六陵齊在望不嫌歌哭弔

湘魂

落花飛盡暮春天  
麥飯親攜蛻玉前  
却有滿山紅躑躅  
血痕狼藉助人憐

艱難王業啓京關  
悲喜纔將頂骨還  
未信百年遺恨在  
闔宮同殉有煤山

思陵猶自長蒿萊  
奚似昆明劫後灰  
脈脈九龍池畔路  
天南遺老至今哀

四月初七日立夏

三春花事日闌珊  
客子行行悄不懽  
閱歷較工情較拙  
天涯何處繫

征鞍

今歲二月自會稽還歌浦過  
遇鈍劍僅一馳遂于龍華間

一杯濁酒且相酬  
判醉休談大九州

時方作蒙古建  
置行省議等文

但得南方佳果

足朱櫻勝似伏羌侯

予生平酷嗜櫻桃以爲  
朱明當合允宜食果

初夏越中雜詩

冠屨一倒置中原  
百事非生無依漢  
臘死亦采周薇  
落日終成晦  
陽  
戈孰與揮茫茫  
票騎蹟長與壯  
心違

我已無家久奚須  
賦卜居飄零隨  
梗蒼莽識歸墟  
堂背羸蔬草江

東結敝廬雙魚來  
遠道謂可托楹書

時沈太君有移  
家東江之舉

淮海無消息關山  
曠歲年有誰歌  
哭意來懇酒樽  
前白日青春晚梅

花紙帳眠徒然感  
脾肉不復據征轡

時平壯士賤世亂  
烈魂懷意氣凌  
戎聶聲名振海  
淮報仇多稱意雪  
恥亦良佳偉矣  
越句踐登車式怒蛙

有懷劉三鈍劍安如並苦念西狩無畏二首

吾有數同好性行皆軼倫  
其一爲劉季豪宕生風雲  
長才擅三絕寫作何玢璘  
掉頭竟不顧獨飲曹參醇  
其二有漸離生來恥帶秦  
報仇志不遂往往多哀呻  
要我結南社謂可張一軍  
最少獨屯田儒雅尤



恂恂韓亡知自奮留侯豈婦人締交逾十載意氣伴雷陳所憾落拓  
士江海多沉淪譬如尺蠖屈終古無一伸又如驕陽虐寧怪蛟龍噴  
去去一長嘯其人真悲辛所以發慨嘆噓氣摧星辰

我歌且未了我悲今更多出門結朋友所貴心氣和况荷世衰亂交  
道常參差相期膠與漆猶苦生離孤奚爲君子士立行多偏頗不知  
金石好學術相磋磨徒於洙泗習斷空齟齬所志卒未成同室先  
操戈知已縱或諒忌者將如何成連空知晉徒聞海上波管邴並良  
士割席乃紛拏思之獨泣涕欲乘滄海槎終教廉蘭合毋貽鍾呂嗟  
不見耳餘事千古資譙訶

四月二十五日偕劉三謁蒼水張公墓並弔永曆帝

策馬高岡日色斜昆明南望淚如麻  
蠅灘鰲背今何在祇向秋原哭  
桂花

自清和坊跨馬出清波門經南屏疾馳達茅家步岳王墳小飲  
並來復馳過秋俠墓經錢塘門抵湧金門外凡周圍三十餘里豪  
氣未除率成此絕

方山棲隱情難減百尺豪華氣未除  
祇恐秋娘向天笑環湖隄上獨  
馳驅

自武林入越道出草橋門有悼吳長興二絕

帝死國滅龍種絕人間世亦生何爲朝來浩氣吟成後想見英雄悟

淸時

公有浪淘沙  
絕命詞二首

頻年歌哭弔英魂零落詩篇僅保存

公集于已付刊  
于國學保存會

今日素車何處

是鬼花開遍望江門

即草橋門也  
今名望江

戊申五月既望余自諸暨來游五洩西龍潭窮極幽險入夜醉

眠僧房忽若身在海上高子吹萬攜其從孫小劍來顧言笑

極歡無何有二女郎至一年可二十許髦髮垂肩披離左右  
謂是吹萬眷屬一年僅十七八亦靜婉多致俱招吹萬與譚  
良久即促吹萬行吹萬遂登車去余方踟躕以返于室忽天  
梅突至余語以吹萬適才別去君遇之否天梅曰然行復返  
矣未幾吹萬果返而佛子亦偕焉抵掌欣談儼然荀陳之會  
豈非生平得未曾有之快哉忽無畏伉儷及蔡子治民聯翩  
相顧而余獨狎一大蟒其長殆踰百丈頤極馴擾未知是何  
祥也書寄高氏諸子并作山中掌故

平生幕良友別久常相思浪游過五洩乃亦夢海涯粵惟青邱子尤  
我素交知神魂獨嚮合言笑盈盈恣嬉嗟二神女光景何陸離翩翩  
並來止軒車復疾馳詎非吹萬生福慧夙有奇因之晤雙成並駕游  
天遠所怪百丈蛇瑰怪倅蛟螭奚爲獨馴擾蜿蜒塗與泥意者空潭  
物闕見余性慈未甘久潛伏來作雲雨期獨嗟薄修植尺寸無所施  
長此老空山乘龍豈有時

憶昔黃山巔曾夢章大師屯難脫未能令我生悲歎厥明潔供養乞  
佛施仁慈耿耿心未忘臨去猶作詩何爲昨者夕劉生夢入帷神交  
自爾爾被服何離奇夢見劉生友  
服極燥爛我生本多感近尤苦相思章劉固  
夙好金石無差池乃今客海國頗聞多是非同舟不共濟得毋貽嘲  
嗤所願非確聞敦好無乖離車笠互相葆曷哉圖猷徵

將去粵中夜集鏡清樓聞陶怡被逮

脈脈秋心暗帶愁沈沈長夜共登樓歸鴻幾處驚羅網縱雲還須怕  
鈞鈞惜別祇令詩思塞當筵惟有酒樽酬相憐去住渾無準羨殺平  
湖不繫舟

精不獲世

幾種新賦... 詩經... 卷四

卷四 完 抄卷末

御浪... 卷四

凡... 卷四

自爾... 卷四

得... 卷四

對... 卷四

是... 卷四

女兒縣祥校字

# 頌南集

韞玉



初... 卷四



嶺南集



浩歌堂詩鈔卷五

百尺樓叢書

嶺南集

松陵 陳去病 巢南

嶺南一首賦別 戊申

惻惻中原徧屬羅側身天地一娑婆  
嶺南此去舒長鬚逐北何年奏  
凱歌短缺獨携當僕健孤鷓將護  
賴君多補天填海千秋事莫便傷

春賦綠波

訪安如

梨花村裏叩重門握手相看淚滿痕  
故國崎嶇多碧血美人幽抑碎  
芳魂茫茫宙合將安適耿耿心期  
祇爾論此去壯圖如可展一鞭晴

旭返中原

初度將及雜成六截

耿耿旄頭燦九天漢家殘祚幾會延  
祝宗祈死渾無準斗酒療愁又

一年予去秋生日作詞有所死無量

東瞻三島動煩冤劉琚章北顧中原氣象昏惟有慈雲護南海蕪香能

返國殤魂

欲爲蒼生賦大哀側身且上粵王臺行看丹荔黃蕉候落拓炎荒被

髮來

中郎有女儘嬌癡伯道無兒只自疑回首白雲吹散處柔弧蓬矢哭

先慈先慈亡忌在六月廿六日去不肖生辰僅四日耳

匈奴未滅豈爲家菽水乖違計亦差時託嗣母沈太君於舅家却曲迷陽歌未已

天涯何處聘朝華

漫向蒲團證夙因茫茫身世未爲真江湖倘有耕漁地判與天隨作

散人予避峴江去甫里益近

昔題中元節自黃浦出吳淞泛海

舵樓高唱大江東萬里蒼茫一覽空海上波濤廻盪極眼前洲渚有

無中雲磨雨洗天如碧烈日中忽遇陣雨日炙風翻水泛紅唯有胥濤若銀

練素車白馬戰秋風

溫州洋

雁蕩餘支到海橫曙光暄染赭痕清朝雲突兀添秋爽麗旭曛曛照

海明白鳥舞風隨翅迅碧波如鏡鏡潮平回岸更得江鄉趣三兩漁

舟打槳行

崎嶇

沙上野花豔開道旁榕樹整行裁閒遊恰到凌虛地放眼來登舊

砲臺隔岸螺蜂青若障近江蠅殼白成堆廻車猛憶吳儂約擊鉢詩

成莫浪催

問雁

門衰餘骨肉世亂各飄零就傳憐嬌女亢宗之壯丁依違徒跼踖  
苦總沈冥爲問南來雁何時返北庭

書黃門公集

遂巡只憾當機嘆息英雄遠網羅若使冥鴻早驚逝圓南容可奮  
陽戈

松陵英蕩都銷盡謂吳興與長興峰泖湖山豈尙存我效端哥一長慟粵王臺

上見精魂編哥夏內史淳古小名也爲黃門公弟小

吾家自昔多窮阨降逮於今怨未休一樣雲間陳臥子不堪江表作

樂囚時陶怡方繫金陵獄中

隆武帝后忌辰泛海登別島書寄同人

落日秋風湧海濤碧天無際陣雲高扁舟獨泛滄溟闊窮島來尋越  
鳥巢白帝音哀啼碧血橋陵弓墜想烏號空聞五指山頭石尙荷先

皇寵御宅百學林君語子嘉應州唐帝廟傳有思文御題又云有老兵當打纜時負太子以逃遂止於此

窮笠行吟北顧遙帝魂何處令懷招登高寧識林巒越憤憤空憑手

午潮兩度煤山同慘劫一時胡馬盡鳴鑼閩中王氣今休矣賸有汀

江瘴霧饒

招清死一年矣情不能忘詩以哭之

故人別我無多日君巧日余開神交社於慈恩大會諸名士君向與心淵相度來會說燕終日而散驚地遙

傳赴九泉正是萬方哀痛節君卒於八月廿七日帝魂招不到啼鵲

一篇行狀吾滋愧君卒之論日心淵即以書來屬草行狀于游漢樓

君千載傳君要柳州只借謝庭擅詞筆漫天風雪早悲秋謂君姪女

病中有感寄社友

不堪重說憺忘歸藥裹茶鐺事事非對鏡祇憐顏色減思親真逐夢

魂飛故人到處愁難遣時臥子雙酌漢遊哀纏六如皆病矣慧業同參願更遠謂受記



不最是九秋霜信迫阿誰和我製寒衣

九月初七日爲明尙書張蒼水先生二百四十五年周忌用丙午新安江上追悼舊韻

莽然珠淚瀉淙淙一念孤忠恨未降壯志莫酬身遽死枉教四度入長江

廿年桴柱總艱難飲血提戈旁黎洲云念昔周旋鯨背一線人

心倘無死八閩豈復角聲聞

何暇虹梁亟函收延平眞不畏春秋如今詩史終長在贏得中原萬古愁

懸澳潮流尙似環漢官儀制隔仙寰獨令每歲重陽節痛哭西風落日間

九月十九日爲顧端木劉公且錢彥林夏存古諸公三十餘人

俱殉國於南京之辰用賦哀詞以告有萊庶幾終古之涕不致於我獨揮也

三十餘人俱殉國百年前事最傷心獄中唱和空留稿海上風雲渺莫尋碧血有痕皆黯澹白門無柳不陰森遙知毅魄應爲厲底事淒清直到今

莽仲高名炳斗杓文康清節顯中朝兩家子弟爭雄駿一例弓刀遂粟姚事縱不成餘俠烈世雖長往未迢遙哀歌我爲臨風奏倘有靈旗降九霄

九月二十晚颶風驟作入夜更烈暴雨乘之潮漲踰丈舉室內

外一片汪洋四壁震撼若將頽焉余方愁病不覺心悸宵深無寐記以此詩

千搖萬兀屋如舟決盪洪波欲上樓怪雨盲風摧四壁藥爐經卷開

三秋挑燈獨坐思天變欬枕沈吟悔遠游祇恐涓龍方劇戰要將災  
異播神州

十月朔日病起口號

推窗聞說嶺樸開歡喜炎荒淑景回病起轉嫌心較冷春生聊與眼  
重樓羅浮翠羽安排去風雨崖門次第來還向思明州一慟樓船戈  
甲儘相猜

思明州今廈門島也明隆武永曆兩朝鄭延平王成功屯兵於此頃爲通商港不日將有送利監水師來遊

千仞以余病且久特邀醫治之及病大瘳復置酒相慶不覺酣

飲極歡乃報以此詩

棣州醫師梁芷堂手握刀圭多禁方爲我牽紫牝牡瘡頻煩斟酌桂

枝湯

金匱第多寒者名曰牡瘡徐先生大椿曰似當作牝字諸本皆杜存考又白虎加桂枝湯注云溫瘧者其脈如平身無寒但熱

骨節痛煩時之神驅鬼使銷除盡量水和丸料理忙頓遣昌黎好南食

蝦蟆章舉恣烹嘗

韓愈南食詩始即是蝦蟆同實浪異名章舉馬甲柱門以怪自呈

悲懷

東都風誼到今遙黨錮清聲讓翠翹休說一池春水纔正看千佛姓  
名標柯亭椽竹終須顯爨下琴桐未許焦巖晚黃花自馨逸漫教霜  
霰感漂搖

集唐寄意

北斗闌干南斗斜中庭地白樹棲鴉故園此去千餘里獨自狂夫不  
憶家

七夕瓊筵往事陳楚天遙望每長嘯白蘋未盡人先盡誰見江南春

復春

去年七夕在海已結神交社

楚魂湘血一生休忍看花枝謝玉樓天竺山前鏡湖畔鷓鴣清怨碧

烟愁

秋俠既非而侍御常微又奈平其墓

誓掃匈奴不顧身與君相見即相親遙知兄弟登高處百尺峯頭望

虜塵

斷腸春色在江南淪落咸陽志豈甘倚柱尋思倍惆悵苦心詞賦向誰論

南國佳人歛翠蛾枉將心事托微波無情有恨何人見一夜夫容紅

淚多

思欲有所組  
織而未果

越女含情已無限秋來還復憶鱸魚心期欲去方何日宋玉平生恨有餘

獨在異鄉爲異客不堪多病決然歸橫江欲渡風波惡

九月二十日  
夜

颶風大隔水寥寥聞搗衣  
自颶發而洗濯者經月方來

再集唐四首

吳王舊國水煙空柳浦桑村處處同三十年來塵撲面故山多在畫

屏中

幾年爲梗復爲蓬多少淒涼在此中今日嶺猿兼越鳥一聲聲似怨

春風

辭家遠客悵秋風未掣鯨魚碧海中央怪鄉心隨魄斷明朝歸去事

猿公

高梧葉盡鳥巢空落日平原秋草中不用憑欄苦回首布帆無恙掛

秋風

三集唐六首

冰紋珍簾思悠悠欲采蘋花不自由正是客心孤迥處碧天無際水

空流

烽火城西百尺樓水流無限似儂愁行人莫上長堤望風緊雲寒欲

變秋

半下珠簾半下鈎不知身世自悠悠今朝誰料三千里離思茫茫正



值秋

黃昏獨坐海風秋月色江聲共一樓自說江湖不歸事羅衣濕盡淚還流

檣落雕飛關塞秋夢君身繞曲江頭熏籠玉枕無顏色無那金閨萬

里愁

瘴水蠻中入洞流騷人遙駐木蘭舟今朝北客歸思去上盡重城更

上樓

自潮州赴廈門道中風雨交作

才遣愁魔與病魔又從滄海策蛟鼉遙空瘴氣連天遠極目洪濤撼岳多板蕩餘生還震惕月明長夜漫婆娑翻教噩夢頻見伏枕漉

涼淚似波

自廈門泛海登鼓浪嶼有感

西風落日晚天晴列島遙看戰一杆番船正連鵝鵝陣怒濤如振鼓  
聲聲憑高獨攬滄溟遠斫地誰爲楚漢爭海水自深山自壯不堪重  
憶鄭延平

與漳州游君談鄭延平遺事

樓臺海上接炎天自古義輪引列仙粒粉想思種紅豆年年望帝降

啼鵝無端廢壘埋荒草定有長蛇隱率然一客歡歡爲余道於今非

復舊山川

君云延平故壘在鼓浪嶼巖仔山巔其山半有穴深二三里可通海濱地曰內厝澳相傳爲當日埋兵處彷彿吾吳

藏軍洞也閩今有大蛇甚多故人皆不敢入

廈門寮仔後街爲鄭延平王操練水軍處四山疊紫皆荒冢也

通商以來市廛櫛比鼓舞如雲非復昔時景象矣余居於此

十日詩以紀之

思明州畔獨思明骨白原荒蔓草遺獻無餘壁壘

余求潭泉二府及同安夏

門志書 天囚有淚哭滄瀛山寮繞綺今多麗  
日多俱極平野余無 肱衝風舊水營海中小艇  
自擊奚奴居此地宵來如夢鄭延平

志儒書來言黃亮叔先生象曠死矣

松陵文物太飄零又見薇垣隕歲星水利當年多述作老成自此少

儀型君有水利 悔於身後臨風慟恨不生前侍德馨獨抱遺編向誰

語余所輯先聖著述屢欲 九秋煙瘴客南溟

天棣以與渠別字相同作詩見寄余既答之矣復念亞盧名亦

與余類詩以贈之

將軍票鷓慙非我骨肉交情罕逾卿殘月曉風徵姓氏荷花桂子識

才姓少年如此公真健期許生平總可驚願與良朋共相守歲寒松

柏締貞盟

西曆十月二十三日有事於雙忠大忠之祠

天風推盪月西奔落拓行吟到海門清酒一尊餘痛哭靈旗千載接  
英魂休嗟少帝今淪沒指顧睢陽得保存代雁况銜飛檄至賀蘭行  
自謝中原

潮陽海門灣蓮花峯宋文丞相望少帝處也余登東山水簾亭

見其地白日銀濤漾漾無極以相距二十里不及至遂賦此

章

潮陽南去海門邊貼地孤峯似碧蓮望帝爭傳文相國傷心誰挽漢

山川登高此日空憑弔袖手何人去著鞭祇喜和林行自返投崖天

子起龍淵

十月二十七日自潮海赴香港中夜望海有作

落日崦嵫裡圖南氣未降孤身別潮海飛夢到珠江星斗芒如掃風

濤怒拍巒遙知朔方事此夕正紛龐

試問深宵際燈花燄若何歸期終恍惚陳約屢蹉跎北極腥風動南  
天熱血多吾曹應有事努力驅征戈

留題羅浮山黃龍洞

天華宮闕黯然收祈福難徵玉簡投一代雄圖歸寂寞百年孫子只  
焚修親主劉馬卿云  
係南漢後人崎嶇石磴盤空峻天矯松身拔地遶聽聽夜來  
風怒發洞龍吟嘯不會休山多古松入夜風  
響尤有萬馬奔騰之勢

自厓山麓之干冲橫渡海面至三村作

忍說元龍氣自豪兩厓風雨一輕烟羣峯合沓圍人急衰草淒迷觸  
浪高塊肉不存徒涕淚荒祠何處認蓬蒿文山正氣欣還在且刷黃  
蕉抵濁醪時余方覓酒爲奠  
而土人誤以蕉進

厓門四律

新會縣南之厓門宋陸丞相負少帶蹈海處也余於仲冬七

日自江門獨游至此宿全節廟一夕而去風雨四合陰森怖  
人賦此誌哀

江門南去即厓門一水微茫白日昏煙雨忽來山驟合枕櫺生處廟  
猶存蒼涼獨有遺民拜愉恍難招少主魂自數興亡亦常事不堪胡  
騎徧中原

歲晚夫容尚未開幽禽嘯血豈勝哀瓊樓玉宇今何在地老天荒我  
獨來涼草風枝瞻宋闕廟門一額題曰  
有宋存焉四字悽其風雨泣寒灰慈元殿闕

終多幸唐桂何曾一尺材楊太后母子得  
武永曆二帝事同一轍不知何日爲之哀

可憫也

淙淙遙夜雨聲多獨哭荒祠淚似波若有人兮留勁節自今誰與共  
邱阿挑燈快讀殘碑字危坐頻吟正氣歌一事祇防山鬼笑楚囚胡  
服竟如何



奇石鐫功笑此兒百年胡運豈須悲當時漢祚雖云盡轉瞬冠裳究  
屬誰賢后永存全節廟孤臣爭拜大忠祠扛龍更有吾宗筆義卓陽

秋幾絕詩

師白沙先生也

厓門阻風雨

盲風怪雨歸山椒獨泛厓門鎖寂寥閒想趙家天子事精禽遺恨總

難銷

十一月七日爲瞿張二公殉節桂林之辰慨然有作

桂林雲樹歸生澗風洞山高墓木蒼師弟百年留氣節乾坤千古振

綱常當時雷電昭天變此日英靈炳帝鄉休羨孔家仁聖裔即今誰

憶定南王

卷五 完

女兒蘇祥校字

# 呻吟集

美亥十月

陶遠題



浩歌堂詩鈔卷六

百尺樓叢書

呻吟集

松陵 陳去病 佩忍

病中雜感 己酉

南行不得志東望徒淹滯塊焉返故鄉寂寞衡門閉慙念平生交磊  
落半長逝餘子雖倖存精氣悉頽敝而我獨耿耿奔走未忘世徬徨  
策治安何者非匡濟山高不厭攀水深不厭厲涉江采夫容誰能待  
晴霽

時窮壯士見世亂腐儒斃達識有高懷烏從形迹泥况當厄運年胡  
漢一衰替頹洞勢傾舟何暇怨操樵應與振奇危亂流急同濟庶幾  
繫長纓略可傲荒裔功高各其賞長揖返江滢聊以表深衷自不同  
繆辰

我有同心人淹滯曲江滢歲歲不得逢相思各流涕何計使之併听

宵對姝麗燈燭共填詞更闌還擁髻如此度長年亦足忘昏噫天意  
陽長淪徒今日侘傺文君信妙妍臨印恨迢遞願言懇征鴻音書莫  
遲滯

貧士百不歡著書亦幽滯鬼伯日擲榆長年半疲弊所以雄奇文蠹  
藏不出世長門莫與豐鸚鵡萎輒隨衰病復途窮由來阮生涕顧惟  
懽愉人漠然不關繫譬如南冠囚寧邀北胡契荆璞且自珍瞬晤重  
華帝

病愈矣忽復大作不覺戚然

不堪多病廢尊尊長負林花次第開草草光陰駒過隙沉沉心事却

餘灰

平生舊迹先民遺者多所未就

蒼茫四海無家別潦倒中原絕代才只合蒲團

老身世萬緣刪盡息悲哀

送楚僧之粵

羣龍無首斷方延落日虞淵急旋破碎山河餘錦繡莊嚴國土奈  
戎旃呻吟我已垂垂老努力君應虎虎前吹陣好風向南去會看平  
地上青天

病榻書懷

莫惜華年與盛名試觀時事足吞聲  
窮才無主君休病節義云亡道  
執行野鳥居然來繞室江南何處可忘情  
思量便逐閒鷗去烟水微  
茫一羽輕

楓江漁父黯然悲叔季應教曼倩飢  
文體漸卑輸古味狂泉爭飲奈  
羣兒息心且泯千秋想稽首誰爲百世師  
只有靜參微妙理亂山黃  
葉一茅茨

三紀初度書寄同志時瘍病漸瘳由滬回居蜆水

沈寥天氣又新秋  
弧矢重懸我獨愁  
多病不堪人事廢  
壯懷空負海  
濠歌堂詩鈔



天游茫茫家國千秋恨落落浮生幾輩休強起自將明鏡照鬢絲曾  
否白盈頭

少年何事起悲歌矯首蒼茫淚似梭身世風前飄弱絮美人天末隱  
微波兵戈滿地神龍小日月經天百寶多漫向秋江怨蕉萃芙蓉花  
發未蹉跎

七月十四夜對月有懷

回首滄波闊伊人近若何相思千里別悲涕不成歌日薄魚鴻少秋  
深病渴多可憐茂陵客惆悵憶銀河

重過西塘就醫

元龍湖海士豪氣未全除又作遨遊想渾忘憂患餘乘風列禦寇秋  
兩馬相如遂此煙波老浮家即隱居

蘆墟泗洲寺永安橋爲楊維斗先生殉國處余過其下屢矣爲

賦一律以誌哀恫

秋風蕭颯白蘋開欲潔椒漿奠一杯烈士有靈終不朽虜塵如霧豈  
勝哀遺書掇拾將何補子曾輯公遺文爲一卷短艇荒茫慨獨來惟有中聲天  
地壯悲歌應得似西臺

吳門寓齋題壁

金昌亭下寄儂家俠骨高風涉莫誇要離槩鴻二墓在專諸巷城根今已蕪沒只有專諸  
門巷在明珠穿偏女兒花俗名穿珠肆故

五噫吟罷矚初暝省識臯家廡尚存底事齊眉人影遠蒼涼梅福隱  
吳門

賦得韓亡子房憤爲安重根作也

慨昔三韓地于今一旦休俄然來大俠猶解報深讎博浪椎重奮輞  
轅血迸流翻憐寂寞土難斬鄧支頭

唐莊庚戌

六橋烟柳爛如霞  
綠蠅春濃買酒家  
正是難逢三月節  
怎生遲汝七香車  
行行陌上今休緩  
去去湖邊日欲斜  
爲報唐莊好消息  
桃猶有未開花

題沈君墨小詞

上馬歷秦川下馬筆如泉  
跋跡關山道書生今少年  
人面不知處梅花仍發英  
可憐幾經過愁殺瘦腰生

送春

落紅成陣委芳塵  
悵悵天涯又一春  
只我強能支弱骨  
可憐猶有病中身

無計留春強自寬  
伊人天末想平安  
何當一櫂滄波去  
翦翦風多欲渡難

紀夢中人語

索居多苦辛思君令人老  
乘龍一遠翔何時返蓬島  
黃塵播中原寇盜紛難掃  
我欲從君游崎嶇盡蜀道  
天壤邈蒼茫英雄忍潦倒  
何如事長生去覓安期棗  
鉛華勿復陳但種瓊瑤草

和送春均

聞道春歸百感中  
憑欄无那臉曠紅  
書生只是癡情甚  
白袷依然對晚風

休嫌花謝惜良時  
白日方長午正遲  
大好一叢紅芍藥  
儘君持贈兩三枝

三枝

夏日過全福寺

微風振晴昊汎權出湖滂  
蘭若愜幽趣衣冠多隱淪  
摩挲碑碣古關徑畦新  
龍象應長護禪宗今有人

清遠庵有懷熊魚山相國

孤臣今不作餘此一茅茨搖兀荒江外徘徊夕照遲永懷明社稷無  
親漢威儀剩有遺篇在丹衷炳水涓

余虛公遺  
文數十篇

寄天梅小景

大夢不常覺浮生何太空三春芳過眼飛絮又隨風奈爾滄波老憑  
誰感慨同寄言高季迪長與託情衷

初抵虎林酒樓坐雨

辛亥

孤蓬落遠道寒雨當春天情意一失稱幽意何繇緜緜彼素心人正  
爾谿山邊音書頗迢遞身世尤纏牽亦有平生親與會方騰騫尋梅  
負前盟獨乘鷺湖船緣是不得并勞燕儼劃然陰沈苦無俚閒憂且  
自燭燼頭一買醉膽要和衣眠中夜復何嘆道晤瓊瑤仙

金陵雜詩

帝京風物信繁華故國邱墟亦可嗟欲向鍾山去憑弔午朝門外屢

廻車

初抵  
金陵

黍離麥秀待誰歌涼水縱橫版沒多最是郎當聲過處故宮瓠鬢馬

爭馱

僧晚公過明故宮積涼縱橫  
宮牆毀壞盡矣咸成三絕

當年此地集群臣肅穆冠裳拜聖人今日空懷蘧伯玉滿宮車輟動

轆轤

風稜金碧黯然收極目荒茫水國秋底事橫流今未已陸沈眞箇屬

神州

不爭家國只爭墩晉宋風流可尚存輸與鄉林老開士蕭蕭暮雨掩

山門

半山昭那林寺僧大  
通與晚公談禪甚洽

桃葉人家水沒扉秦淮閣子映斜暉半晴半雨太無賴六月金陵穿

衲衣

青溪開元  
示晚公

浩歌堂詩鈔

卷六

五

百尺樓叢書



復成橋畔柳垂垂一槩中流日乍移閒與群公話風雅青溪應築小姑祠

清涼山色撲眉青避暑何人降彩駢記得年時攜手過低徊曾訪翠

微亭龍峰里閱藏書因過清涼山至掃葉樓閒坐

文淵閣子久罹災剩有閒情理却灰頰向石頭城下過人人知是看

書來

倚馬文章夙擅長猶龍道德勢能張霍王小女奚癡絕錯認當年李

十郎歌謠有翁子之誠慰以三絕

不堪重唱大刀頭一著差池一局休溝水東西流不定問渠何地可

埋愁

大好團圓月一規倚闌閒玩儘移時明心見性應如此莫復中邊悟

微運

雲程萬里圖爲陳劍魂題

瀕洞風波捲地來中原此際正喧騰憑君直向南溟去他日相逢破浪回

少年亦有志封侯手挾鯤鵬萬里游老我十年吳下住空教冷眼睨

神州

後望嶽圖爲祝心淵題

衡嶽峰高氣象雄扶輿磅礴鎮寰中當時誰是開天手第一君家老祝融

融炎光氣炳南方大有人材厲劍鏗底事西風摧健翮至今遺恨說

瀏陽

陽鳥賓南又此時側身凝望總成癡微聞消息秋來好木落洞庭波

正奇



